

摘藻堂四庫全書薈要

經部

欽定四庫全書薈要

經部

書傳輯錄纂注卷三上



詳校官祭酒臣韋謙恒

欽定四庫全書薈要卷六百九十七

經部

書傳輯錄纂注卷三上

元 董鼎 撰

朱子訂定蔡氏集傳

商書

契始封商湯因以為有纂註史記湯黃帝後帝

天下之號書凡十七篇

纂註

史記湯黃帝後帝

徒封於商賜姓子氏十三世生湯名天乙都亳今濟陰亳縣○鄭氏曰商在太華之陽湯在位十三年崩壽百歲國號商盤庚遷殷以後號殷

湯誓

湯號也或曰謚湯名履姓子氏夏桀暴虐湯往征之亳衆譁於征役故湯諭以弔伐

之意蓋師興之時而誓于毫都者也今文古文皆有輯錄但湯武固是反之

反之之功恐是精密如湯誓與牧誓數桀紂之罪辭氣亦不同史記但書湯放桀而死書武王

則曰遂斬紂頭懸之白旗又曰湯有慙德如武王恐未必有此意儒用

王曰格爾衆庶悉聽朕言非台小子敢行稱亂有夏多

罪天命殛之

王曰者史臣追述之稱也格至台我稱舉也以人事言之則臣伐君可謂亂矣以天

命言之則所謂纂註張氏曰天命殛之豈諄諄然命之

天吏非稱亂也心以賢者之心為心古之論天者多以民心卜之以民心卜者多以賢者之心卜之今爾有衆汝

曰我后不恤我衆舍我穡事而割正夏予惟聞汝衆言

夏氏有罪予畏上帝不敢不正

穡刈穫也割斷也亳邑之民安於湯之德政桀

之虐斂所不及故不知夏氏之罪而憚伐桀之勞反謂湯不恤亳邑之衆舍我刈穫之事而斷正有夏湯言我

亦聞汝衆論如此然夏桀暴虐天命

殛之我畏上帝不敢不往正其罪也

**纂註**

呂氏曰曰舍我穡事然則

湯之伐桀不因民願乎曰亳民之不願而夏民之願也

○新安陳氏曰湯之興順乎天而應乎人此一節可見

商民以一己為心湯則以上天為心蓋

是時夏之天命已絕湯所以順乎天也

今汝其曰夏罪

其如台夏王率遏衆力率割夏邑有衆率怠弗協曰時

日曷喪予及汝皆亡夏德若茲今朕必往

遏絕也割割割夏邑之割

時是也湯又舉商衆言桀雖暴虐其如我何湯又應之曰夏王率為重役以窮民力嚴刑以殘民生民厭夏德

亦率皆怠於奉上不和於國疾視其君指日而曰是日何時而亡乎若亡則吾寧與之俱亡蓋苦桀之虐而欲其亡之甚也桀之惡德如此今我之所以必往也桀嘗自言吾有天下如天之有日日亡吾乃亡耳故民因以日目

**纂註**

呂氏曰夏罪其如台是夏民在塗炭而商民之

死而好生今欲與桀偕亡疾之甚矣○新安陳氏曰此一節見商民以一國為心湯則以天下為心蓋是時夏之人心已離湯所以應乎人也爾尚輔子一人致天之罰予其大賚汝

爾無不信朕不食言爾不從誓言予則孥戮汝罔有攸

赦

賚與也食言言已出而反吞之也禹之征苗止曰爾尚一乃心力其克有勲至啟則曰用命賞于祖不用

命戮于社予則孥戮汝此又益以朕**纂註**新安陳氏曰不食言罔有攸赦亦可以觀世變矣天生民而立

之君使司牧之今桀虐其民民欲其速亡如此人心之所歸即天命之所在人心之所離即天命之所棄也天命湯伐之湯敢違天乎湯之誓師拳拳惟以天言曰天命殛之曰予畏上帝曰致天之罰非湯伐之天伐之也湯曰予畏上帝不敢不正武王曰予弗順天厥罪惟鈞其心一也堯舜之授受禹啓之傳繼湯武之征伐事雖不同其順乎天適乎時合乎義一而已矣○愚謂禹征苗有誓啓征扈有誓胤侯征義和又有誓皆征所當征名正而言順若湯之伐夏而亦有誓何歟蓋誓者臨衆發命述其興師之意故禹也啓也胤侯也猶可無誓惟湯則不可無誓湯無誓則稱兵之意不明而稱亂之罪滋大苟可明目張膽言之而不怍則順天應人行之而無疑矣先正有言吾無過人者惟日所行事未嘗有不可對人言者耳亦是意也今觀一書之旨首以非予小子敢行稱亂有夏多罪天命殛之夫莫大於天莫尊於君君承天而臣承君則為治君逆天而臣逆君則為亂

湯初不敢逆君而為亂而桀則不能承天以為治彼既多罪天命殛之則我雖非敢稱亂而迫於天命有不獲已是則亂君臣之分自湯始湯誠有所不安而不能辭於天也湯何以知其然哉天之聰明自民天之明畏亦自民始於匹夫匹婦之復讎而終於西夷北狄之怨望吾非彼君也而曰僕我后我何以得此於民哉殆天啓之也天之所啓我固違之是逆天矣有如此意天下皆知惟亳之民不知故有議湯之稱亂者有咎湯之不恤我衆者有止湯以夏罪其如台者而湯則曰予畏上帝不敢不正是非敢於稱亂也將以止天下之亂也非不恤我衆也將以恤天下之衆也雖以夏罪無如我何而不止者將以救彼之願與偕亡而不得者之若也此湯之誓所以專為亳民而發也其示之以賞罰者誓師之體不得不勵士氣而一人心非誘以利怵以禍而強其從我也吁湯之不幸乃天下之大幸也



仲虺之誥

仲虺臣名奚仲之後為湯左相誥告也周禮士師以五戒步後刑罰一曰

誓用之於軍旅二曰誥用之於會同以喻衆也此但告湯而亦謂之誥者唐孔氏謂仲虺亦必對衆而言蓋非特釋湯之慙而且以輯錄問仲虺其臣民衆庶也古文有今文無

輯錄

問仲虺之

誥似未見其釋湯慙德處先生曰正是解他云若苗之有莠若粟之有秕他緣何道這幾句蓋謂湯若不除桀則桀必殺湯如說推亡固存處自是說伐桀至德日新以下乃是勉湯又如天乃錫王勇智他特地說他勇智兩字便可見尚書多不可曉固難理會然這般處古人如何說得恁地好如今人

做時文相似夔孫

成湯放桀于南巢惟有慙德曰予恐來世以台為口實

武功成故曰成湯南巢地名廬江六縣有居巢城桀奔于此因以放之也湯之伐桀雖順天應人然承堯舜禹授受之後於心終有所不安故愧其德之不如若而又恐天下後世藉以為口實也○陳氏曰堯舜以天下讓後世好名之士猶有不知而慕之者湯武征伐而得天下後世嗜利之人安得不以為口實哉此湯之所以恐也

**纂註**

新安陳氏曰觀湯之慙湯本心始見矣以居萬世君臣之始變也仲虺釋其慙始則美之又慮

其愧心既釋驕心或生故終復警之大臣之引君當道者如此○鄭氏曰必往之師以救生人口實之慙以慮

後世○呂氏曰此心之慙此誥之釋皆不可少

仲虺乃作誥曰嗚呼惟天生民

有欲無主乃亂惟天生聰明時又有夏昏德民墜塗炭天乃錫王勇智表正萬邦續禹舊服茲率厥典奉若天

命

仲虺恐湯憂愧不已乃作誥以解釋其意歎息言民生有耳目口鼻愛惡之欲無主則爭且亂矣天生聰

明所以為之主而治其爭亂者也墜陷也塗泥炭火也梁為民主而反行昏亂陷民於塗炭既失其所以為主矣然民不可以無主也故天錫湯以勇智之德勇足以有為智足以有謀非勇智則不能成天下之大業也表正者表正於此而影直於彼也天錫湯以勇智者所以使其表正萬邦而繼禹舊所服行也此但率循其典常以奉順乎天而已天者典常之理所自出而典常者禹之所服行者也湯革夏而續舊服武革商而政由舊孔子所謂百世可知者正以是也林氏曰齊宣王問孟子曰湯放桀武王伐紂有諸孟子曰賊仁者謂之賊賊義者謂之殘殘賊之人謂之一夫聞誅一夫紂矣未聞弑君也夫立之君者懼民之殘賊而無以主之為主而自殘賊焉則君之實喪矣非一夫

纂註

陳氏傳良曰仲虺作誥非但釋

湯之慙亦進德戒滿之書也○新安陳氏曰凡湯之表正績率乃所以奉若天命也何慙之有此以天之生湯者釋之以見湯之順乎天也○呂氏曰以湯勇智如此惟循常行之理而已○真氏曰湯之伐桀自謂不幸而處變故有慙德以為不獨愧於人亦愧於天仲虺解之曰此特循其常道以順天命而已蓋變而不失其正即所謂常也

夏王有罪矯誣上天以布命于下帝用不臧式商

受命用爽厥師

矯與矯制之矯同誣罔臧善式用爽明師衆也天以形體言帝以主宰言桀知

民心不從矯詐誣罔託天以惑其衆天用不善其所為用使有商受命用使昭明其衆庶也○王氏曰夏有昏德則衆從而昏商有明德則衆從而明○吳氏曰簡賢用爽厥師續下文簡賢附勢意不相貫疑有脫誤

簡賢

附勢實繁有徒肇我邦于有夏若苗之有莠若粟之有

批小大戰戰罔不懼于非辜矧予之德言足聽聞

簡略錄多

肇始也戰戰恐懼貌言簡賢附勢之人同惡相濟寔多徒衆肇我邦於有夏為桀所惡欲見剪除如苗之有莠如粟之有秕鋤治簸揚有必不相容之勢商衆小大震恐無不懼陷于非罪況湯之德言則足人之聽聞尤桀所忌疾者乎以苗粟喻桀以莠秕喻湯特言其不容於桀而迹之危如此史記言桀囚湯於夏臺湯之危屢矣無道而惡有道輯錄問矧予之德言足聽聞據古註云勢之必至也道德善言某竊意言足聽聞自當作一句言吾之德言之足使人聽聞彼纂註林氏曰桀安得不忘之未知是否先生曰是賀孫纂註召湯而囚之夏臺以戰戰懼非辜之言觀之史惟王不邇聲色不虛矣○陳氏經曰德言令聞也

殖貨利德懋懋官功懋懋賞用人惟已改過不吝克寬

克仁彰信兆民

通近殖聚也不近聲色不聚貨利若未

天德而無一毫人欲之私者不能也本原澄澈然後用人處已而莫不各得其當懋茂也繁多之意與時乃功

懋哉之義同言人之懋於德者則懋之以官人之懋於功者則懋之以賞用人惟已而人之有善者無不容改

過不吝而已之不善者無不改不忌能於人不吝過於已合併為公私意不立非聖人其孰能之湯之用人處

已者如此而於臨民之際是以能寬能仁謂之能者寬而不失於縱仁而不失於柔易曰寬以居之仁以行之

君德也君德昭著而孚信於天纂註林氏曰稱湯之盛下矣湯之德足人聽聞者如此

不殖貨利者老子曰惟無以天下為者可以有天下湯之心清淨寡欲湛然不動舉天下之聲色貨利曾不足

以動其心則其伐夏救民果有利之之心乎○葛氏曰君子小人之進退繫於人君心術之正邪心術一正則

君子進否則小人進矣君心惑於聲色則便辟之臣得志貪於貨利則聚斂之臣得志有功德者官賞何由及之不邇不殖乃懋德懋功之根本也○孔氏曰勉於德者則勉之以官○林氏曰用人惟己如自己出若所謂善與人同舍己從人樂取諸人以為善也○新安陳氏曰六經言仁自克寬克仁一言始遂開萬世言仁之端仁者心之德愛之理以心德之體言則仁為體寬為用以愛之用言則寬以容人仁以愛人皆用也德莫大於仁湯所以克仁者實自不邇不殖之無私欲始歟○愚案傳訓懋為茂又謂與時乃功懋哉同義而後實訓勉此當從之乃葛伯仇餉初征自葛東征西夷怨南征北狄怨

曰奚獨後予攸徂之民室家相慶曰徯予后后來其蘇

民之戴商厥惟舊哉

葛國名伯爵也餉饋也仇餉與餉者為仇也葛伯不祀湯使問之曰

無以供粢盛湯使亳衆往耕老弱饋餉葛伯殺其童子  
 湯遂征之湯征自葛始也奚何俟待也蘇復生也西夷  
 北狄言遠者如此則近者可知也湯師之未加者則怨  
 望其來曰何獨後予其所往伐者則妻孥相慶曰待我  
 后久矣后来我其復生乎他國之民皆以湯為我君而  
 望其來者如此天下之愛戴歸往於商者非一日矣商  
 業之興蓋不在於鳴條之役也○呂氏曰夏商之際君  
 臣易位天下之大變然觀其征伐之時唐虞都俞揖遜  
 氣象依然若存蓋堯舜禹湯以纂註新安陳氏曰民之  
 道相傳世雖降而道不降也戴商如此何慙之  
 有此以民之歸湯者釋佑賢輔德顯忠遂良兼弱攻昧  
 之以見湯之應乎人也

取亂侮亡推亡固存邦乃其昌

前既釋湯之慙此下因以勸勉之也諸侯之賢

德者佑之輔之忠良者顯之遂之所以善善也侮說文曰傷也諸侯之弱者兼之昧者攻之亂者取之亡者傷



之所以惡惡也言善則由大以及小言惡則由小以及大推亡者兼攻取侮也固存者佑輔顯遂也推彼之所  
以亡固我之所以存纂註林氏曰天之生物必因其材而  
存邦國乃其昌矣篤焉故哉者培之傾者覆之天  
理之自然也佑輔顯遂為善者必為人所助也兼攻取  
侮為不善者必為人所侵也聖人因其常理以應世有  
亡之道則推而亡之有存之道則輔而固之禁有亡道  
湯因其將亡而推之果何容心哉○復齋董氏曰推亡  
固存一句乃總結上意○愚案此章

傳義與前題下語錄不同林董得之

德日新萬邦惟懷

志自滿九族乃離王懋昭大德建中于民以義制事以

禮制心垂裕後昆子聞曰能自得師者王謂人莫已若

者亡好問則裕自用則小

德日新者日新其德而不自  
已也志自滿者反是湯之盤

銘曰苟日新日日新又日新其廣日新之義歟德日新則萬邦雖廣而無不懷志自滿則九族雖親而亦離萬邦舉遠以見近也九族舉親以見疎也王其勉明大德立中道於天下中者天下之所同有也然非君建之則民不能以自中而禮義者所以建中者也義者心之裁制禮者理之節文以義制事則事得其宜以禮制心則心得其正內外合德而中道立矣如此則非特有以建中於民而垂諸後世者亦綽乎有餘裕矣然是道也必學焉而後至故又舉古人之言以為隆師好問則德尊而業廣自賢自用者反是謂之自得師者真知己之不足人之有餘委心聽順而無拂逆之謂也孟子曰湯之於伊尹學焉而後臣之故不勞而王其湯之所以自得者歟仲虺言懷諸侯之道推而至於修德檢身又推而至於能自得師夫自天子至于庶人未有捨師而能成者雖生知之聖亦必有師焉後世之不如古非特世道之降抑亦師道之不明也仲虺之論邇流而源要其極

而歸諸能自得師之一語  
其可為帝王之大法也歟

### 輯錄

問禮義本諸人心惟中以下為氣稟物欲所

拘蔽所以反著求禮義自治若成湯尚何須以義制事  
以禮制心曰湯武反之也便是有些子不那底了但  
他能恁地所以為湯若不恁地便是惟聖罔念作狂聖  
人雖則說是生知安行便只是常常恁地不已所以不  
可及若有一息不恁地便也是凡人了問若舜由仁義  
行便是不操而自存否曰這都難說舜只是不得似衆  
人恁地著心自是操賀孫以義制事以禮制心此自是  
内外交相養之法事在外義由內制心在內禮由外作  
銖問禮莫是攝心之規矩否先生曰只是箇心如顏子  
非禮勿視之類皆是也又曰今學者別無事只是要以  
心觀理理是心中所有常存此

### 纂註

唐氏曰聖人德貴於日新故繼以懋

昭大德以義以禮所以日新其德也○太史范氏曰神  
宗在東宮王陶講志自滿九族乃離神宗言九族乃離

微子之去是也○王氏十朋曰聖人於事與心無所事於制所以然者使後人有可繼之道也○新安陳氏曰德與中皆當兼體用而言德即人所得於天以具衆理而應萬事者也大德云者全體大用無非大也懋勉以昭明之則全體呈露妙用顯行矣由是而建中道之標準使民之罔中者皆惟我之中則不偏不倚無過不及是中之體用亦無不備矣然禮義德也即昭德建中之要也動而以義制事即義以方外之謂能以義方外則此德應萬事之大用以行而此中無過不及之用在是矣靜而以禮制心即敬以直內之謂能敬以直內則此德具衆理之全體以立而此中不偏不倚之體在是矣所謂垂裕固禮義之餘用也亦即昭德建中之餘用也非昭德專以建中于民而禮義專以垂裕於後也○陳氏大猷曰能自得師則天下之善皆歸於已故可以王謂人莫已若則驕矜侮慢善日消惡日長亡之道也○陳氏曰好問則衆善集故優裕自用則能有限故狹小嗚呼

慎厥終惟其始殖有禮覆昏暴欽崇天道永保天命

上

既勸勉之於是歎息言謹其終之道惟於其始圖之始之不謹而能謹終者未之有也伊尹亦言謹終于始事雖不同而理則一也欽崇者敬畏尊奉之意有禮者封殖之昏暴者覆亡之天之道也欽崇乎天道則永保其天命矣案仲虺之誥其大意有三先言天立君之意桀逆天命而天之命湯者不可辭次言湯德足以得民而民之歸湯者非一日末言為君艱難之道人心離合之機天道福善禍淫之可畏以明今之受夏非以利己乃有無窮之恤以深慰湯而釋其慙仲虺之忠愛可謂至矣然湯之所慙恐來世以為口實者仲虺終不敢謂無也君臣之分其

**纂註**

王氏十朋曰殖禮覆暴即上文佑輔取侮之事新安胡氏曰有禮昏

暴蓋欲湯之自警也湯豈昏暴者哉此亦虞廷以傲虐戒舜之意○愚謂君臣人倫之大經也帝王綱紀天下

先謹乎此而後人得安焉世故無盡人欲無涯不忠之臣何代無之所以畏縮而不敢肆者猶以古無是事前而無是人無以藉口耳苟一為之則後有潛蓄不軌之心而囂然以逞者其不借以為辭乎故湯以自慙曰予恐來世以台為口實然湯豈至是而後知哉蓋謂非台小子敢行稱亂則願怛怛而心不寧已久矣天人交迫但知為民除害而非以為己利也及桀已放夏已亡而天下之不吾釋然後慙於逐君而代立聖人之本心於是愈不自安矣不有仲氏之誥以明其不得不為之意與不可妄為之理則何以暴白成湯之心事而陰折來者之姦謀自是而後昏德不如桀勇智不如湯皆未可以藉口也

湯誥

湯伐夏歸亳諸侯率職來朝湯作誥以與天下更始今文無古文有

王歸自克夏至于亳誕告萬方

誕大也亳湯所都  
在宋州穀熟縣

王曰

嗟爾萬方有衆明聽予一人誥惟皇上帝降衷于下民

若有恒性克綏厥猷惟后

皇大衷中若順也天之降命而具仁義禮智信之理無所

偏倚所謂衷也人之稟命而得仁義禮智信之理與心俱生所謂性也猷道也由其理之自然而有仁義禮智信之行所謂道也以降衷而言則無有偏倚順其自然固有常性矣以稟受而言則不無清濁純雜之異故必待君師之職而後能使之安於其道也故曰克綏厥猷惟后夫天生民有欲以情言也上帝降衷于下民以性言也仲虺即情以言人之欲成湯原性以明人之善聖賢之論互相發明然其意則皆言君道之繫於天下者如此之

**輯錄**

蔡行父問書所謂降衷曰古之聖賢纔說出便是這般話成湯當放桀之初便說惟

皇上帝降衷于下民若有恒性克綏厥猷惟后武王伐紂時便說惟天地萬物父母惟人萬物之靈亶聰明作

元后元后作民父母傳說告高宗便說明王奉若天道  
建邦設都樹后王君公承以大夫師長不惟逸豫惟以  
亂民惟天聰明惟聖時憲見古聖賢朝夕只見那天在  
眼前賀孫惟皇上帝降衷下民孔安國以為降善便是  
無意思衷不是善只是中與民受天地之中一般泳問  
降衷于下民云云先生曰何故不說降善却說降衷看  
得衷字是箇無過不及恰好底道理天之生物箇箇有  
一精當恰好底道理此與程子所謂天然自有之中劉  
子所謂民受天地之中相似與詩所謂秉彛張子所謂  
萬物一原又自不同彛是常道有物有則則字却似衷  
字天之生物必有箇當然之則蓋君有君之則臣有臣  
之則耳有耳之則目有目之則止於仁君之則也止於  
敬臣之則也視曰明目之則也聽曰聰耳之則也故民  
執以為常道也若說降衷便是秉彛則不可若說便是  
萬物一原亦不可萬物一原自說萬物皆出此也若統  
論道理固是一般然其中名字位分又自不同若只一



般聖賢何故說許多名字若曉得名字訓義之不同方見其所謂同衷只是中今人言折衷者蓋以是為準則而取正也○詩書所說便是有箇人在上恁地分付如帝乃震怒之類然這箇亦只是理如此天下莫尊於理故以帝名之降衷便是有主宰意溥天地自有箇無心之復卦一陽生於下這便是生物之心如惟皇上帝降衷于下民天道福善禍淫便自分明有箇人在裏主宰相似道夫陶安國問降衷與受中之中二字義同異先生曰左氏云始終衷皆舉之又云衷甲以見看此衷字義本是衷甲以見之義為其在衷而當中也然中字大槩因無過不及而立名如六藝折衷於夫子蓋是折兩頭而取其中之義後人以衷為善却說得未親切○又曰此蓋指大本之中也此處中庸說得甚明他日考之自見○自天而言則謂之降衷自人受此中而言則謂之性獸即道也道者性之發

**纂註**

孔氏曰順人有常之性能安立其道教則

惟為君之道真氏曰成湯有天下之初即以此自任可謂知君師之職矣厥後秉彝受中之言相繼而發至于孔孟性善之理益明而開萬世性學之原則自成湯始新安陳氏曰諸家解若有恒性一句皆屬下句以為皆君之事蔡獨屬上文以為人性本然之天若字輕說克字方重說天賦人受本有恒性君不必容力於其間也至於修道之教使人各安其道則方有賴於君焉蓋諸解以惟后對惟皇上帝作兩股說蔡以帝衷民性后綏作三股說觀此一段蔡傳非可易及朱子誠不輕付矣

夏王滅德作威以敷虐于

爾萬方百姓爾萬方百姓罹其凶害弗忍荼毒並告無辜于上下神祇天道福善禍淫降災于夏以彰厥罪

言桀

無有仁愛但為殺戮天下被其凶害如荼之苦如毒之螫不可堪忍稱冤於天地鬼神以冀其拯已屈原曰人

窮則反本故勞苦倦極未嘗不呼天也天之道善者福之淫者禍之桀既淫虐故天降災以明其罪意當時必有災異之事如周語所謂輯錄問天道福善禍淫此理定謂伊洛竭而夏亡之類否曰如何不定自是道理當如此問或有不如此者何也曰福善禍淫其常理也不如此便是失其常理天莫之為而為天亦何嘗有意只是理自是如此且如冬寒夏熱此是常理當如此若冬熱夏寒便是失其常理近年徃山嘗六七月大雪

肆台小子將天命明威不敢赦敢用玄牡敢昭告于上

天神后請罪有夏聿求元聖與之戮力以與爾有衆請

命

肆故也故我小子奉將天命明威不敢赦桀之罪也玄牡夏尚黑未變其禮也神后后土也聿遂也元聖

伊尹也

上天孚佑下民罪人黜伏天命弗僭竇若草木兆

民允殖

孚允皆信也借差也賁文之著也殖生也上天信佑下民故夏桀竄亡而屈服天命無所僭差

燦然若草木之敷榮

輯錄

賁若言草木之美允殖言兆

兆民信乎其生殖矣

民信安其生罪人既黜伏天

命既弗差故草木華美百姓豐殖謂人物皆遂東齊集傳賁若草木兆民允殖諸家說多不同未知當如何看

曰連上句天命不僭明白易見故人得遂其生也

俾予一人輯寧爾邦家茲朕

未知獲戾于上下慄慄危懼若將隕于深淵

輯和戾罪隕墜也天

使我輯寧爾邦家其付予之重恐不足以當之未知已得罪於天地與否驚恐憂畏若將墜於深淵蓋責愈重則憂愈大也

凡我造邦無從匪彛無即惱淫各守爾典以承

天休

夏命已黜湯命惟新侯邦雖舊悉與更始故曰造邦彛法即就惱慢也匪彛指法度言惱淫指逸樂

言典常也各守其典常之道以承天之休命也

爾有善朕弗敢蔽罪當朕躬弗

敢自赦惟簡在上帝之心其爾萬方有罪在予一人予

一人有罪無以爾萬方

簡閱也人有善不敢以不達已  
有罪不敢以自恕簡閱一聽於

天然天以天下付之我則民之有罪實君所為君之有罪非民所致非特聖人厚於責已而薄於責人是乃理之所在君輯錄楊尹叔問簡在帝心註簡閱也如何曰道當然也善與罪天皆知之如天檢點數過相似

爾之有善也在帝心我之有惡也在帝心寓

纂註

林氏曰所謂罪在朕躬非必已身有可指之罪然後

為罪也蓋天降衷于民而以克綏厥猷者付之一人為君者必使天下之人皆不失其降衷之性以安厥猷方無負於天之所付若民有罪是為君者教之不至所以自棄於愚不肖之地而莫能返非民之罪乃君之罪也

所以曰罪在朕躬也民有罪則君致之君有罪乃其自取夫以一人之身臨莅四海而天下人之罪皆歸其身必使天下之人皆無罪然後為能盡君之職而無負於天之所任論至此則獲戾於上下亦豈難哉此所以危懼若將墮也湯誥一書多兢業之意○新安陳氏曰此所以綴結篇首降衷有性綏猷之言深味之成湯可謂知君師

嗚呼尚克時忱乃亦有終

忱信也歎息言庶幾能於是而忱信焉乃

亦有終也吳氏曰此兼人已而言

纂註

新安胡氏曰歎息言尚克相與於是盡其忱誠則乃亦有終焉

否則未保其所終也曰尚曰亦皆不敢必之辭蓋兢兢不忽之意實兼人已而言不特湯自謂當如此亦欲萬方諸侯皆勉於此也○新安陳氏曰此篇見成湯明命性之理知君師之道監夏之所以亡而凜凜於今之所以興且戒諸侯以相與盡守邦圖終之道真帝王之格言聖學之淵源也論語摘其要語曰予小子履敢用玄

壯敢昭告于皇皇后帝有罪不敢赦帝臣不蔽簡在帝  
心朕躬有罪無以萬方萬方有罪罪在朕躬但書詳而  
語略耳

伊訓

訓導也大甲嗣位伊尹作書訓導之史錄為篇今文無古文有

輯錄

商書幾篇

最分曉可玩伊訓太甲等篇又好看似說命蓋  
高宗資質高傳說所說底細了難看若是伊尹  
與太甲說雖是麤却切於學者之身太甲也不  
是箇昏愚底人但欲敗度縱敗禮耳廣伊尹書  
及說命大抵分明易曉今人觀書且看他那分  
明底其難曉者且置之政使曉得亦不濟事廣

惟元祀十有二月乙丑伊尹祠于先王奉嗣王祗見厥  
祖侯甸羣后咸在百官總已以聽冢宰伊尹乃明言烈

# 祖之成德以訓于王

夏曰歲商曰祀周曰年一也元祀者大甲即位之元年十二月者商

以建丑為正故以十二月為正也乙丑日也不繫以朔者非朔日也三代雖正朔不同然皆以寅月起數蓋朝覲會同班歷授時則以正朔行事至於紀月之數則皆以寅為首也伊姓尹字也伊尹名摯祠者告祭於廟也先王湯也冢長也禮有冢子冢婦之名周人亦謂之冢宰古者王宅憂祠祭則冢宰攝而告廟又攝而臨羣臣太甲服仲壬之喪伊尹祠于先王奉太甲以即位改元之事祇見厥祖則攝而告廟也侯服甸服之羣后咸在百官總已之職以聽冢宰則攝而臨羣臣也烈功也商頌曰衍我烈祖太甲即位改元伊尹於祠告先王之際明言湯之成德以訓太甲此史官敘事之始辭也○或曰孔氏言湯崩踰月太甲即位則十二月者湯崩之年建子之月也豈改正朔而不改月數乎曰此孔氏惑於書序之文也太甲繼仲壬之後服仲壬之喪而孔氏曰



湯崩奠殯而告國已誤矣至於改正朔而不改月數則  
於經史尤可考周建子矣而詩言四月維夏六月徂暑  
則寅月起數周末嘗改也秦建亥矣而史記始皇三十  
一年十二月更名臘曰嘉平夫臘必建丑月也秦以亥  
正則臘為三月云十二月者則寅月起數秦未嘗改也  
至三十七年書十月癸丑始皇出游十一月行至雲夢  
繼書七月丙寅始皇崩九月葬鄱山先書十月十一月  
而繼書七月九月者知其以十月為正朔而寅月起數  
未嘗改也且秦史制書謂改年始朝賀皆自十月朔夫  
秦繼周者也若改月數則周之十月為建酉月矣安在  
其為建亥乎漢初史氏所書舊例也漢仍秦正亦書曰  
元年冬十月則正朔改而月數不改亦已明矣且經曰  
元祀十有二月乙丑則以十二月為正朔而改元何疑  
乎惟其以正朔行事也故後乎此者復政厥辟亦以十  
二月朔奉嗣王歸于亳蓋祠告復政皆重事也故皆以  
正朔行之孔氏不得其說而意湯崩踰月太甲即位奠

殯而告是以崩年改元矣蘇氏曰崩年改元亂世事也  
不容在伊尹而有之不可以不辨又案孔氏以為湯崩  
吳氏曰殯有朝夕之奠何為而致祠主喪者不離於殯  
側何待於祇見蓋太甲之為嗣王嗣仲壬而王也太甲  
太丁之子仲壬其叔父也嗣叔父而王而為之服三年  
之喪為之後者為之子也太甲既即位於仲壬之柩前  
方居憂於仲壬之殯側伊尹乃至商之祖廟徧祠商之  
先王而以立太甲告之不言太甲祠而言伊尹喪三年  
不祭也奉太甲徧見商之先王而獨言祇見厥祖者雖  
徧見先王而尤致意於湯也亦猶周公金縢之冊雖徧  
告三王而獨眷眷於文王也湯既已祔于廟則是此書  
初不廢外丙仲壬之事但此書本為伊尹稱湯以訓太  
甲故不及外丙仲壬

輯錄

春秋書元年春王正月這如  
何要窮曉得設使聖人復出

也便未易理會在格言趙氏曰太丁湯之太子未立而  
死外丙立二年仲壬立四年皆太丁弟也程氏曰古人

謂歲為年湯崩時外丙方二歲仲士方四歲惟太甲差  
長故立之也二說未知孰是孟註問外丙二年仲士四  
年先生兩存趙氏程氏之說則康節之說亦未可據耶  
曰也怎生便信得他又問如此則堯即位於甲辰年亦  
未可據也曰此却據諸歷書如此說恐或有之然亦未  
可必曰若如此則二年四年亦可推矣曰却為中間年  
代不可紀自共和以後方可紀則湯時自無由可推此  
類且當闕之不可深究廣銖問書序言成湯既沒太甲  
元年玩其語意則是成湯沒而太甲立太甲既立不明  
伊尹放諸桐三年則是太甲服湯之喪既不明伊尹遂  
使居於湯之墓廬三年而克終允德也或者乃曰孟子  
曰湯崩太丁未立外丙二年仲士四年湯沒六年而太  
甲立太甲服仲士之喪夫服仲士之喪而乃廬於乃祖  
之墓恐非人情伊川謂太丁未立而死外丙方二歲仲  
士方四歲乃立太丁之子太甲而或者又謂商人以甲  
乙為兄弟之名則丙當為兄士當為弟豈有兄二歲而

弟乃四歲乎。案皇極經世圖紀年之次，則太甲實繼成湯而立，無疑。不知外丙二年仲壬四年之說，當作如何訓釋？乞賜垂誨。先生曰：書序恐只是經師所作，然亦無證可考。但決非夫子之言耳。成湯太甲年次，尤不可考。不必妄為之說。讀書求義理，以為反身自修之具，此等殊非所急也。○問伊尹祠于先王奉嗣王祇見厥祖，是時湯方在殯，宮太甲於朝夕，莫常在。如何伊尹因祠而見之？曰：此與顧命康王之誥所載冕服之事同意。古人自有一件人君居喪之禮，但今不存，無以考據。蓋天子諸侯既有天下國家事體，恐難與常人一般行喪禮。節伊尹祠于先王，若有服不可入廟，必有外丙二年仲壬四年節古書錯繆甚多，如史記載伊訓有方明二字，諸家遂解如反祀方明之類。某後考之，只是方字之誤，當作乃，即所謂乃明言烈祖之成德者也。**纂註**新安胡氏曰：序言太甲元年序周人所作，故稱年書。言惟元祀書商史所作，故稱祀。此元非即位之元年，乃即位之

次年先王崩崩年即位踰年改元以崩年之十二月為後王元年之首月蓋以正朔行事也胡氏安國春秋傳曰國君嗣世定於初喪必踰年然後改元書即位者緣始終之義一年不二君緣臣民之心曠年不可無君也陳氏大猷曰祠祭也先王商先祖如詩言玄王之類也喪三年不祭不以凶服入宗廟故太甲不親祠而尹摯祠侯甸舉五服之近者以見其餘胡氏春秋傳謂即位者告廟臨羣臣是也明言烈祖成德以訓猶五子述禹之戒周召陳文武之業以祖宗艱難起家之事告子孫則莫不信守之也呂氏曰當太甲居喪之始而訓之乘其初心之虛也後雖昏迷而終克終允德訓之之早故爾吳氏曰意太甲是時不明之跡已見端緒故伊尹稱湯以訓庶幾其速改而不能後卒有桐宮之遷

曰嗚呼古有夏先后方懋厥德

罔有天災山川鬼神亦莫不寧暨鳥獸魚鼈咸若于其

子孫弗率皇天降災假手于我有命造攻自鳴條朕哉

自毫

詩曰殷監不遠在夏后之世商之所宜監者莫近於夏故首以夏事告之也率循假借也有命有天

命者謂湯也桀不率循先王之道故天降災借手于我成湯以誅之夏之先后方其懋德則天之眷命如此及其子孫弗率而覆亡之禍又如此太甲不知率循成湯之德則夏桀覆亡之禍亦可監矣哉始也鳴條夏所宅也毫湯所宅也言造可攻之嚮者由桀積

**纂註**

陳氏大猷曰方

者方見其進而未見其止之意日新而未可量也人君為天地鬼神萬物之主而德者天地鬼神萬物之理所謂致中和天地位焉萬物育焉者也呂氏曰夏先后懋德如此宜可憑藉桀纘弗率天即降災感應之速反覆手爾懋德而罔災感應之理存於懋德之中也弗率而降災災咎之理存於弗率之中也造嚮雖鳴條一日之

間而基本則兆於毫邑之素也孫氏曰造為  
惟我商王

布昭聖武代虐以寬兆民允懷

布昭敷著也聖武猶易所謂神武而不殺者湯

之德威敷著于天下代桀之虐以  
今王嗣厥德罔不在

初立愛惟親立敬惟長始于家邦終于四海

初即位之初言始不

可以不謹也謹始之道孝悌而已孝悌者人心之所同  
非必人人教詔之立植也立愛敬於此而形愛敬於彼

親吾親以及人之親長吾長以及人之長始于家達于  
國終而措之天下矣孔子曰立愛自親始教民睦也立

敬自長始

纂註

呂氏曰告以嗣德在初欲乘其天理正發之初而開導之也○新安胡氏曰此

一節言湯以德得人心今王繼先王之德  
當以孝悌之順德而通乎千萬人之心也  
嗚呼先王肇

修人紀從諫弗弗先民時若居上克明為下克忠與人

不求備檢身若不及以至于有萬邦茲惟艱哉

人紀三綱五常

孝敬之實也上文欲太甲立其愛敬故此言成湯之肇脩人紀者如下文所云也綱常之理未嘗泯沒桀廢棄之而湯始修復之也弗逆也先民猶前輩舊德也從諫不逆先民是順非誠於樂善者不能也居上克明言能盡臨下之道為下克忠言能盡事上之心呂氏曰湯之克忠最為難看湯放桀以臣易君豈可為忠不知湯之心最忠者也天命未去人心未離事桀之心曷嘗斯須替哉與人之善不求其備檢身之誠有若不及其處上下人已之間又如此是以德日以盛業日以廣天命歸之人心戴之由七十里而至于有萬邦也積累之勤茲亦難矣伊尹前既言夏失天下之易此又言湯得天下之難太甲可不思所以繼之哉

輯錄

湯工夫全



在敬字上看得來大段是一箇修飭底人故當時人說他做工夫處亦是說得大段地著如禹克勤于邦克儉于家之類却是大綱說到湯便說檢身若不及文蔚曰如云以義制事以禮制心不遜聲色不殖貨利等語可見日新之功曰固是某於或問中所以特地詳載者非說道人不知亦欲學者經心耳文蔚與人不求備檢身若不及大槩是湯急已緩人所以引為日新之實泳因論讀書須是有自得處到自得處說與人也不得如某舊讀伊尹曰先王肇修人紀止茲惟艱哉如此等處直為之廢卷慨想而不能已覺得朋友間看文字難得如此意思某二十歲前後已看得大意如此如今但較精密日月易得匆匆過了五十年格言

**纂註**

張氏

曰父子兄弟君臣夫婦長幼朋友有禮義以相維謂之人紀傳曰禮義以為紀○賈逵註國語云先民古賢人

也  
**數求哲人俾輔于爾後嗣**  
數廣也廣求賢哲  
**纂註**  
孫氏

曰數求求之非一方也如立賢無方○陳氏經曰湯得天下也甚難故其慮天下也甚遠宜求賢以遺後人也

制官刑儆于有位曰敢有恒舞于宮酣歌于室時謂巫風敢有殉于貨色恒于遊畋時謂淫風敢有侮聖言逆忠直遠耆德比頑童時謂亂風惟茲三風十愆卿士有一于身家必喪邦君有一于身國必亡臣下不匡其刑

墨具訓于蒙士

官刑官府之刑也巫風者常歌常舞若巫覡然也淫過也過而無度也比昵也

倒置悖理曰亂好人之所惡惡人之所好也風風化也三風愆之綱也十愆風之目也卿士諸侯十有其一已喪其家亡其國矣墨墨刑也臣下而不能匡正其君則以墨刑加之具詳悉也童蒙始學之士則詳悉以是訓

之欲其入官而知所以正諫也異時太甲欲敗度縱敗禮伊尹先見其微故拳拳及此劉侍講曰墨即叔向所謂夏書昏墨賊殺臯陶之刑貪以敗官為墨

### 輯錄

臣下不匡之刑益施於邦君大夫之喪國亡家者君

臣一體不得不然如漢廢昌邑王賀則誅其羣臣而本朝太祖下嶺南亦誅其亂臣龔澄樞李托之類是也澄樞等實亡劉氏乃飛廉惡來之比誅之自不為冤若昌邑羣臣與賀同惡者固不得不誅其餘止可當古者墨刑之坐耳乃不分等級例行誅殺是則霍光之私意也又如文定論楚子納孔儀處事雖不同意亦類此試參考之則知成湯之制官刑正是奉行天討毫髮不差處何疑之有哉荅吳晦叔具訓于蒙士吳斗南謂古者墨刑人以蒙蒙其首恐不然廣

### 纂註

呂氏曰古成童習舞恒舞則為愆歌以永言酣歌則為愆前六愆因

後四愆而生○史氏仲午曰意當時太甲左右必有以歌舞貨色等惑其君者尹未指其人明言姑曰先王之

制官刑如此而徐為之謀後遂營桐宮不使狎于弗順  
焉○真氏曰殉如殉葬之殉蓋以其身陷于貨色之中  
死而不顧也臣下所以不匡以其貪官固位故也不諫  
之罪與貪墨同使人知不獨貪賄之有罪而貪官不諫  
亦有刑也○左傳昭十四年昏墨賊三者皆死刑○薛  
氏曰善不必小故一日克己天下歸仁惡不必多故有  
一于身家國必喪虞公以垂棘之璧亡其國吳太宰以  
越之女色覆其宗先王之戒豈誣也或曰臣下不匡而  
遽入墨之重辟無乃過乎曰置臣所以正主也視主入  
喪亡而不之救其可貸乎重其刑使之進而諫未必死  
退而不諫必受刑則雖中不欲諫亦不得不諫也○新  
安陳氏曰湯儆有位之官刑其條目詳防制密訓海豫  
如此所以為後嗣慮至矣三風十愆以戒卿士邦君而  
伊尹舉以訓太甲者意謂卿士諸侯犯此已足喪家亡  
國況天子乎雖不指斥天子微意可見矣況臣下不  
匡國有常刑則儆臣下者欲臣下以是儆天子也

鳴

呼嗣王祗厥身念哉聖謨洋洋嘉言孔彰惟上帝不常作善降之百祥作不善降之百殃爾惟德罔小萬邦惟

慶爾惟不德罔大墜厥宗

歎息言太甲當以三風十愆之訓敬之於身念而勿忘也

謨謂其謀言謂其訓洋洋大孔甚也言其謀訓大明不可忽也不常者去就無定也為善則降之百祥為惡則降之百殃各以類應也勿以小善而不為萬邦之慶積於小勿以小惡而為之厥宗之墜不在大蓋善必積而後成惡雖小而可懼此總結上文而又以天命人事禍福申戒之也

**纂註**

陳氏大猷曰祗厥身乃指太甲

下手用功處一篇之綱領也○孫氏曰以其謨之出於聖人故曰聖謨以其言之至美故曰嘉言即指三風十愆之戒也○張氏曰不敬其身必納此身於風愆矣能敬其身則能如夏后之懋德繼先王以嗣德立愛立敬作

善之祥惟德之慶皆自敬其身出敬立則百善從也○  
陳氏經曰既戒以祖訓又戒以天君所當畏惟天惟祖  
宗也○王氏十朋曰善祥惡殃天之不常乃所以為常  
也○真氏曰愆雖有十苟能敬則十者俱泯一不敬則  
十者俱生故敬之一辭乃治三風斲十愆之藥石也篇  
將終又深歎聖言之彰明與天命之難保以警動太甲  
之心冀其必聽真所謂社稷之臣歟○新安陳氏曰此  
篇尹訓太甲於即位之初始終以興亡寓勸戒夏以懋  
德興桀以弗率亡初意明矣繼言湯以聖武興而欲太  
甲以愛敬之良心嗣厥德勸之也繼言湯以艱難興而  
防太甲以欲縱之私心敗厥德戒之也末章作善之降  
祥爾德之惟虔勸之保其所以興作不善之降殃不德  
之隆宗戒之陷於所以亡而提綱挈領則在祗厥身之  
一言能祇敬其身則嗣祖德而興不祇敬其身則背祖  
德而亡言言忠愛蓋已豫為太甲憂矣但猶  
包涵未明言之未至如太甲三篇之痛切耳

# 太甲上

商史錄伊尹告戒節次及太甲往復之辭故三篇相屬成文其間或附史臣之

語以貫篇意若史家紀傳之所載也唐孔氏曰

伊訓肆命徂后太甲咸有一德皆是告戒太甲

不可皆名伊訓故隨事立稱也林輯錄伊尹之

氏曰此篇亦訓體今文無古文有輯錄言極痛

切遂感發得太甲如此君陳後亦好然皆寬了

多是代言如今代王言者做耳錄伊尹之志公

天下以為心而無一纂註新安陳氏曰前一篇

毫之私者也孟註作於未遷桐宮之先

後二篇作於自

桐宮歸毫之後

# 惟嗣王不惠于阿衡

惠順也阿倚衡平也阿衡商之官名言天下之所倚平也亦曰保衡

或曰伊尹之號史氏錄

## 纂註

葉氏曰阿保通

# 伊尹作書

伊尹之書先此以發之

曰先王顧諟天之明命以承上下神祇社稷宗廟罔不祇肅天監厥德用集大命撫綏萬方惟尹躬克左右厥

辟宅師肆嗣王丕承基緒

顧常目在之也諟古是字明命者上天顯然之理而命之

我者在天為明命在人為明德伊尹言成湯常目在是天之明命以奉天地神祇社稷宗廟無不敬肅故天視其德用集大命以有天下撫安萬邦我又身能左右成湯以居民衆故嗣王得以大承其基業也

輯錄

古註云顧謂常目在之也此語最好非謂有一物常在目前可見也只是常存此心知得有這道理光明不昧方其靜坐未接物也此理固湛然清明及其遇事而應接也此理亦隨處發見只要人常提撕省察念念不忘存養久之則是理益明雖欲忘之而纂註真氏曰湯惟不可得矣憫○餘見大學章句附錄

纂註

顧天之明命



故天監湯之厥德曰顧曰監可見天人之交至近而非遠也○新安陳氏曰此言太甲今日之有天下由於先王之明德以得天下與伊尹之出身以輔先王也有先王創業之祖與尹開國之大臣是以嗣王得以承此大業今日豈可忘先王而不念忽尹而不從哉

惟尹躬先見于西邑夏自周有

終相亦惟終其後嗣王罔克有終相亦罔終嗣王戒哉

祗爾厥辟辟不辟忝厥祖

夏都安邑在毫之西故曰西邑夏周忠信也國語曰忠信

為周施氏曰作偽心勞日拙則闕畧而不周忠信則無偽故能周而無闕夏之先王以忠信有終故其輔相者亦能有終其後夏桀不能有終故其輔相者亦不能有終嗣王其以夏桀為戒哉當敬爾所以為君之道君而不君則忝辱成湯矣太甲之意必謂伊尹足以任天下之重我雖縱欲未必遽至危亡故伊尹以相亦罔終之

言深折其私而破其所恃也

**輯錄**

問古註及諸家皆以周訓忠信竊謂以忠信自周則可以忠信訓周

恐未安未知如何先生曰自

**纂註**

蘇氏曰自由也由忠信之道則有終言君

臣一體禍福同也

○呂氏曰自周如周于德之周謂君

道周備無一毫虧闕也自周之中自有有終之理○新

安陳氏曰既以桀之無終戒之又以不敬而不君者戒

之無終則累於相臣不君則辱於乃祖仍是以先王與

尹躬儆

**王惟庸罔念聞**

庸常也太甲惟若尋常於伊尹之言無所念聽此史氏之言

**輯錄**

問諸家皆於庸字絕句竊謂只作一句讀以庸訓用如說命中王庸作書以告之庸未知是否先生

曰六字一句

**纂註**

真氏曰辟不辟之言殆甚於漢人之答潘子善

所謂帝不諦也然漢君怒而誅之太

甲雖以為常無所念聽然不聞其怒也此所以卒至於思庸歟

**伊尹乃言曰先王昧爽**

丕顯坐以待旦旁求俊彥啟迪後人無越厥命以自覆

昧晦爽明也昧爽云者欲明未明之時也丕大也顯亦明也先王於昧爽之時洗濯澡雪大明其德生以待旦而行之也旁求者求之非一方也彥美士也言湯孜孜為善不遑寧處如此而又旁求俊彥之士以開導子孫太甲毋顛越其命慎乃儉德惟懷永圖

太甲欲敗度縱敗禮蓋奢侈失

之而無長遠之慮者伊尹言當謹其儉約之德惟懷永久之謀以約失之者鮮矣此太甲受病之處故伊尹特言輯錄

儉節制也語註

纂註

新安胡氏曰永圖即前所謂有終也○真氏曰此太甲不患于阿衡

之時也故伊尹訓之者如此夫儉則心小而為慮者遠侈則心大而為謀者踈方是時太甲方以欲敗度縱敗禮心為二者所蔽若浮雲之翳日月未知斯言之為忠也一旦處仁遭義而本心復明然後知受病之源端在

於此克終之美光昭簡冊  
伊尹訓戒之功夫豈小哉

若虞機張往省括于度則釋

欽厥止率乃祖攸行惟朕以懌萬世有辭

虞虞人也機弩牙也括矢

括也度法度射者之所準望者也釋發也言若虞人之  
射弩機既張必往察其括之合於法度然後發之則發  
無不中矣欽者肅恭收斂止見虞書率循也欽厥止者  
所以立本率乃祖者所以致用所以省括于度則釋也  
王能如是則動無過舉近可以慰悅尹心遠可以有譽  
於後世矣安汝止者聖君之事生而知者也欽厥止者  
賢君之事學  
而知者也  
輯錄諸家多訓虞為度竊謂只作虞人說  
如何先生曰作虞人說為是賀孫

纂註

唐孔氏曰括矢末也○陳氏大猷曰言欲永終當

當止如君止於仁子止於孝之類○王氏曰語靜之道  
則曰慎乃儉德欽厥止語動之道則曰若虞機張率乃

祖攸行○陳氏大猷曰萬世有辭所謂永圖也○林氏曰萬世有辭所謂相亦惟終也○新安陳氏曰罔不祗肅言湯之敬也欽厥止率乃祖攸行勉太甲盡敬以法先王也曰有終曰永圖曰萬世有辭勸之也曰罔克有終曰自覆戒之也此章仍是以先王始之以尹躬結之王能欽敬而有終先王之望尹之幸也王不能欽敬而自覆非先王之望尹之不能盡其責也尹本自任以天下之重又受先王托孤之重任故告戒之辭節節提起先王而以與尹躬相闡繫收結之

王未克變

不能變其舊習也此亦史氏之言

伊尹曰

茲乃不義習與性成予弗狎于弗順營于桐宮密邇先

王其訓無俾世迷

狎習也弗順者不順義理之人也桐成湯墓陵之地伊尹指太甲所為乃

不義之事習惡而性成者也我不可使其狎習不順義理之人於是營宮於桐使親近成湯之墓朝夕哀思興

起其善以是訓之無使終身迷惑而不悟也

**纂註**

陳氏經曰習為不義若與性俱成實誼曰少成若天

性習慣如自然

**王徂桐宮居憂克終允德**

徂往允信也有諸已之謂信實有其德於

身也凡人之不善必有從史以導其為非者太甲桐宮之居伊尹既使其密邇先王陵墓以興發其善心又絕其比昵之黨而革其汚染此其所以克終允德也次篇伊尹言嗣王克終厥德又曰允德協于下故史氏言克終允德結此篇**纂註**新安陳氏曰伊尹此舉蓋處君臣以發次篇之義之變者知太甲之性不過中人平日誘以為惡之近習必多而輔以善之大臣惟一伊尹而已孤忠不能勝引誘之衆徒言不能開迷惑之久遂營桐宮以居之此不言之教達變之權惟自任以天下之重如伊尹之開國元老大忠大公者能之而非泛焉之大臣所敢為也又案千古性學開端於若有恒性之一言其次則伊尹習與性成之一言也恒性以天地之

性言與性成以氣質之性言天地之性氣質之性雖至近世橫渠張氏而剖判言之已肇端於湯尹言性之初矣○愚謂太甲嗣位伊尹已述侮聖言逆忠直遠者德比頑童之戒太甲乃不惠阿衡庸罔念聞而狎于不順非亂風之猶存乎苟非伊尹超然深識通權達變為遷桐之舉有以動心忍性增益其所不能其不危乎

## 太甲中

惟三祀十有二月朔伊尹以冕服奉嗣王歸于亳

太甲終喪

明年之正朔也冕冠也唐孔氏曰周禮天子六冕備物盡文惟衮冕耳此蓋衮冕之服義或然也奉迎也喪既除以衮冕吉服  
作書曰民非后罔克胥匡以生后非民奉迎以歸也

罔以辟四方皇天眷佑有商俾嗣王克終厥德實萬世

無疆之休

民非君則不能相正以生君非民則誰與為君者言民固不可無君而君尤不可失民也

太甲改過之初伊尹首發此義其喜懼之意深矣夫太甲不義有若性成一旦翻然改悟是豈人力所至蓋天命眷商陰誘其衷故嗣王能終其德也向也湯緒幾墜今其自是有永豈不為萬世無疆之休乎

纂註

林氏曰太甲終厥德伊尹力也而歸之天者君子能致人於悔過遷善之地不能必其人有悔過遷善之心尹嘗五就桀矣事雖不可見即其感悟太甲者觀之於桀必盡其忠誠矣而桀終不改則太甲悔過庸非天乎湯宜有餘慶故太甲為之孫始皇宜有餘殃故扶蘇為之子天也○陳氏經曰若人事不盡而一切諉於天太甲之書不作桐宮之居不營而謂太甲不明天實為之則非聖賢以人合天以義合命之道矣○呂氏曰使太甲不改事將若何今既克終喜慰何如哉玩味實字可見○新安陳氏曰克終厥德即前篇所望其有終者也此



所謂萬世無疆之休即前篇所望其萬世有辭者也前願之而未得今得遂其所願向也湯緒幾覆今也自是可久先王之望遂矣伊尹之責塞矣其欣幸為何如烏得不因其遷善之方初而許與期望之於悠久也哉

王拜手稽首曰予小子不明于德自底不類欲敗度縱敗禮以速戾于厥躬天作孽猶可違自作孽不可追既往背師保之訓弗克于厥初尚賴匡救之德圖惟厥終

拜手首至手也稽首首至地也太甲致敬於師保其禮如此不類猶不肖也多欲則興作而亂法度縱肆則放蕩而墮禮儀度就事言之也禮就身言之也速召之急也戾罪孽災逋逃也既往已往也已往既不信伊尹之言不能謹之于始庶幾正救之力以圖惟其終也當太甲不惠阿衡之時伊尹之言惟恐太甲不聽及太甲改

過之後太甲之心惟恐伊尹不言夫太甲固困而知之者然昔之迷今之復昔之晦今之明如日月昏蝕一復其舊而光采炫耀萬景俱新湯輯錄古者天子尊師重武不可及已豈居成王之下乎傳太甲拜手稽首成王拜手稽首䟽言稽首稽留之意是首至地之久也晉元帝拜王導至其家亦拜其妻格言纂註新安胡氏曰伊尹雖謂太甲克終厥德太甲不敢自保方賴伊尹正救以圖惟厥終伊尹拜手稽首

曰修厥身允德協于下惟明后

伊尹致敬以復太甲也修身則無敗度敗禮之

事允德則有誠身誠意之實德誠於上協和于下惟明后然也

纂註

新安陳氏曰惟明后與不明于德相

應太甲自謂不明于德尹遂以修身協下而為明后者許與期望之豈苟然者修身本諸身者允德協下徵諸

庶民也誠實之德孚契人心其身修之驗歟

先王子惠困窮民服厥命罔有

不悅並其有邦厥鄰乃曰俟我后后來無罰

此言湯德所以協下

者困窮之民若已子而惠愛之惠之若子則心之愛者誠矣未有誠而不動者也故民服其命無有不得其惟心當時諸侯竝湯而有國者其鄰國之民乃以湯為我君曰待我君我君來其無罰乎言除其邪虐湯之得民心也如此即仲虺

後來其蘇之事

輯錄

並其有邦止后来無罰言湯與彼皆有土諸侯而鄰國之人乃

曰云云此可見得民心處賀孫

王懋乃德視乃厥祖無時豫怠

湯之盤銘曰苟

日新日日新又日新湯之所以懋其德者如此太甲亦當勉於其德視烈祖之所為不可頃刻而逸豫怠惰也

奉先思孝接下思恭視遠惟明聽德惟聰朕承王之休

無斁

思孝則不敢違其祖思恭則不敢忽其臣惟亦思也思明則所視者遠而不蔽於淺近思聰則所聽

者德而不惑於儉邪此懋德之所從事者太甲能是則我承王之美而無所厭數也

**輯錄**

謂能視遠

所視不遠不謂之明能聽德謂之聰所聽非德不謂之聰視聽是物聰明是則盡視不為惡色所蔽為明聽不

為姦人所欺

**纂註**

陳氏大猷曰人君修德須就受病處藥之太甲前日覆湯典刑不忠阿衡

由不思孝思恭也既立不明背棄師訓由視溺於近聽惑於邪也今既盡此四者則病根去而德成矣尹恥君

不及堯舜太甲德成尹責始盡是承王之美於無窮也○張氏曰人志必有所準的然後能有所立舜不以堯

為的則不能重華孔子不以周公為的則不能大成顏孟不以孔子為的則不能傳道統視乃厥祖欲太甲以

成湯為的也○新安陳氏曰伊尹提起先王子惠而勉以視乃厥祖然後以朕承王休結之仍是以先王尹躬

對言以警動期望之也○愚謂太甲之心前日陰霾昏蝕一旦天日開明迪哲之資誠不可及矣孝恭明聰四

者修身之要  
允德之目也

# 太甲下纂註

陳氏大猷曰伊訓作於太甲未有過之先尹欲預防其縱故其辭嚴

太甲上篇作於太甲有過之時尹不欲激之而微轉其機故其辭婉中篇作於悔過之初尹深自喜慰故其辭溫下篇作於改過之後尹慮其或不克終故其辭深以厲大臣格言淺深有序

蓋如此

伊尹申誥于王曰嗚呼惟天無親克敬惟親民罔常懷  
懷于有仁鬼神無常享享于克誠天位艱哉

申誥重誥也天之所

親民之所懷鬼神之所享皆不常也惟克敬有仁克誠而後天親之民懷之鬼神享之也曰敬曰仁曰誠者各

因所主而言天謂之敬者天者理之所在動靜語默不可有一毫之慢民謂之仁者民非元后何戴鰥寡孤獨皆人君所當恤鬼神謂之誠者不誠無物誠立於此而後神格於彼三者所當盡如此人君居天之位其可易而為之哉分而言之則三合而言之一德而已太甲纂遷善未幾而伊尹以是告之其才固有太過人者歟

註

真氏曰敬誠仁並言始於此三者堯舜禹湯之正傳也

德惟治否德亂與治同

道罔不興與亂同事罔不亡終始慎厥與惟明明后

德者

合敬仁誠之稱也有是德則治無是德則亂治固古人有行之者矣亂亦古人有行之者也與古之治者同道則無不興與古之亂者同事則無不亡治而謂之道者蓋治因時制宜或損或益事未必同而道則同也亂而謂之事者亡國喪家不過貨色遊畋作威殺戮等事事同道無不同也治亂之分顧所與如何耳始而與治固

可以興終而與亂則亡亦至矣謹其所與終始如一惟  
明明之君為然也上篇言惟明后此篇言惟明明后蓋  
明其所已明而纂註真氏曰與治同道罔不興道指全  
進乎前者矣

### 纂註

體而言如克舜之仁湯武之義是

也與亂同事罔不亡事指一事而言如太康敗遊桀紂  
暴虐之類是也必同道乃興宋襄公以不禽二毛自比  
文王不知一事之同而他事之不副其能有興乎苟同  
事必亡三風十愆或有其一無不亡者蓋興之難而亡  
之易如此斯天位之所以難歟○新安陳氏曰此因尚  
賴匡救圖惟厥終之說而進圖終之道也圖終之道常  
不變其始而已終始慎其所與則不特初心之明而為  
明后且悠久常保此初心之明而為明明后矣尹蓋慮  
太甲悔艾於初而轉移於終也故言及此

先王惟時懋敬厥德克配上帝今

王嗣有令緒尚監茲哉

敬即克敬惟親之敬舉其一以包  
其二也成湯勉敬其德德與天合

故克配上帝今王嗣有

**纂註**

新安胡氏曰此欲太

若升

高必自下若陟遐必自適

此告以進德之序也中庸論

自適譬如登高必自卑進德修業之喻未有如此

**纂註**

之切者呂氏曰自此乃伊尹畫一以告太甲也

新安陳氏曰觀法先王豈一蹴能至無輕民事惟難無

自下自適欲其希賢進德之有序也

無毋通毋輕民事而思其

**慎終于始**

人情

安厥位惟危難毋安君位而思其危

欲善終者特安於縱欲以為今日姑若是而他日固改

之也然始而不善而能善其終者寡矣桐宮之事往已

今其即政臨民

**有言逆于汝心必求諸道有言遜于汝**

亦事之一初也

**志必求諸非道**鯁直之言人所難受巽順之言人所易

從於其所難受者必求諸道不可遽以



逆于心而拒之於其所易從者必求諸非道不可遽以  
遜于志而聽之以上五事蓋欲太甲矯乎情之偏也

輯錄

治道別無說若使人主恭儉好善有言逆于汝心  
止必求諸非道如何會不治這別無說從古來都

有見成樣子直  
是如此格言

纂註

陳氏大猷曰忘其言之逆順而揆  
諸道之當否合道則逆者乃所以

為遜非道則遜者乃所以為逆前日欲縱之時尹之言  
固嘗逆心而臣下之言固嘗有遜志者矣故復以為戒

嗚呼弗慮胡獲弗為胡成一人元良萬邦以貞

胡何也  
弗慮何

得欲其謹思之也弗為何成欲其篤行之也元大良善  
貞正也一人者萬邦之儀表一人元良則萬邦以正矣

君罔以辯言亂舊政臣罔以寵利居成功邦其永孚于

休

弗思弗為安於縱弛先王之法廢矣能思能為作其  
聰明先王之法亂矣亂之為害甚於廢也成功非寵

利之所可居者至是太甲德已進伊尹有退休之志矣此咸有一德之所以繼作也君臣各盡其道邦國永信其休美也○吳氏曰上篇稱嗣王不惠于阿衡必其言有與伊尹背違者辯言亂政或太甲所失在此罔以寵利居成功已之所自處者已素定矣下

**纂註**

林氏曰自語既非泛論則上語必有為而發也古受託孤

之寄者於進退之際可謂至難為幼主者類多血氣未定趨舍未堅苟未能離師輔而不反則吾退而小人乘間以進必將以辯言亂舊政而胎國家之禍矣所以伊尹明告以堅其心而遂示以引身求退之意焉○陳氏曰伊尹為桐宮不得已之舉必輕寵利然後可絕天下之疑而杜讒賊之口使功成居之有一毫利之之心則好議論者安知不以前日之事為疑乎所以作書未終而歸志已露也○新安陳氏曰老氏曰功成而不居蔡澤曰四時之序功成者去伊尹聖之任者也耕莘之初天下何與於我自幡然從湯以後則以身任責不容釋

矣不幸湯崩主少不明幾覆商祚身任此責愈不容釋  
矣不得已置君於桐以身攝政蓋既以身任重不容不  
犯臣子之大不得已而非可諉其責於他人也觀其告  
戒拳拳言言忠愛必以先王尹躬對言幸而太甲悔過  
修德遂亟復政於君欲奉身以退尹至是上無負於先  
王次無負於太甲下無負於天下以身任重可以釋矣  
由其任重恐恐不勝之心而復還耕莘囂囂自得之身  
其欣幸當何如哉此而不退則寧無貪戀寵利之疑置  
君於桐大不獲已至忠至公之本心誰白之者伊尹可  
謂自任之重自處之審矣使湯有太甲為之孫而無伊  
尹為之佐其不一再傳而斬者幾希尚何六百年之敢  
望哉○愚謂伊訓作於太甲嗣位之初重在謹始故曰  
今王嗣厥德罔不在初太甲上篇作於不惠阿衡之時  
重在謹習故曰習與性成予弗狎于弗順中篇作於克  
終允德之後重在懋德故曰王懋乃德無時豫怠下篇  
申言懋德之意重在謹終故曰終始慎厥與又曰慎終

于始蓋方其未悟也惟恐無以善始及其既悟也又惟恐無以善終伊尹之於太甲先憂而喜後喜而憂拳拳忠愛言有盡而意無窮蓋如此

### 咸有一德

伊尹致仕而去恐太甲德不純一及任用非人故作此篇亦訓體也史氏取其篇中咸有一德四字以為篇目今文無古文有

伊尹既復政厥辟將告歸乃陳戒于德

伊尹已還政太甲將告老而歸

私邑以一德陳戒其君此史氏本序

曰嗚呼天難諶命靡常常厥德保厥

位厥德靡常有以亡

諶信也天之難信以其命之不常也然天命雖不常而常於有

德者君德有常則天命亦常而保厥位矣君德不常則天命亦不常而有以亡矣九有九州也

纂註

蔡氏元度曰常厥德所謂德惟一不常厥德所謂德二三惟一為能常○新安陳氏曰一者無離無息一可以包常常則一之無間斷者也惟純而不雜所以久而不息夏王弗克庸德慢神虐民

皇天弗保監于萬方啓迪有命眷求一德俾作神主惟尹躬暨湯咸有一德克享天心受天明命以有九有之

師爰革夏正

上文言天命無常惟有德則可常於是引桀之所以失天命湯之所以得天命者證

之一德純一之德不離不息之義即上文所謂常德也神主百神之主享當也湯之君臣皆有一德故能上當天心受天明命而有天下於是輯錄  
錄問咸有一德竊改夏建寅之正而為建丑正也  
謂一者是純一而不雜德至於純一而不雜所謂至德也所謂純一而不雜者蓋歸於至當無二之地無纖毫私意人欲問雜之

猶易之恒中庸之誠也說者多以咸有一德為君臣同德咸有一德固有同德意而一非同也言君臣皆有此一德而已先生曰此篇先言常德中庸德後言一德則一者常一之謂爰革夏正只是正朔之正賀孫

非天

私我有商惟天佑于一德非商求于下民惟民歸于一

德

上言一德故得天得民此言天佑民歸皆以一德之故蓋反復言之

德惟一動罔不吉

德二三動罔不凶惟吉凶不僭在人惟天降災祥在德

二三則雜矣德之純則無往而不吉德而雜則無往而不凶僭差也惟吉凶不差在人者惟天之降災祥在德故纂註

張氏曰一者純乎天理二三者雜於人欲天理無往而不吉人欲無往而不凶以其體即凶也

○林氏曰降於天者為災祥受於人者為吉凶

今嗣王新服厥命惟新厥德終

始惟一時乃日新

太甲新服天子之命德亦當新然新德之要在於有常而已終始有常而

無間斷是乃輯錄

終始惟一時乃日新這箇道理須是常接續不已方是日新纔有間斷便

不可纂註

張氏曰此告太甲以繼湯之一德也太甲即位已久此自復位時言既新服受天命其德

亦當俱新○陳氏大猷曰終始惟一此言修德之當一也○新安陳氏曰太甲復位之初自怨自艾始能自新

矣然終或間斷則非日新也湯之盤銘曰苟日新日日新又日新其自做如此仲虺之誥曰德日新萬邦惟懷

仲虺告湯亦如此是日新乃太甲乃祖之家學也尹以湯之日新望太甲必以湯之一德勉太甲故時乃日新

必先之以終始惟一焉

任官惟賢材左右惟其人臣為

上為德為下為民其難其慎惟和惟一

賢者有德之稱材者能也左右

者輔弼大臣非賢材之稱可盡故曰惟其人夫人臣之職為上為德左右廢辟也為下為民所以宅師也不曰君而曰德者兼君道而言也臣職所係其重如此是必其難其慎難者難於任用慎者慎於聽察所以防小人也惟和惟一和者可否相濟一

**輯錄**

問左右何所指曰只是指親近之臣

任官是指任事底人也○臣為上為德為下為民諸家說不同不知此四為字當作如何音先生曰為字竝去聲為上者輔其德而不阿其意之所欲為下者利於民而不徇己之所安時舉賀孫因說如逢君之惡也是為上而非是為德為宮室妻妾之奉也是為下而非是為民曰然伊尹告太甲却是與尋常人說話便恁地分明恁地切身至今看時通上下皆使得至傳說告高宗語意却深緣高宗賢明可以說這般話故傳說輔之說得較精微伊尹告太甲前一篇許多說話却從天理窟中扶出許多話分明說與他今看來句句是天理又云非



讀此如何看得道理透見得聖人許多說話都是天理又云伊尹說得極懇切許多說話重重疊疊說了又說

○論其難其慎曰君纂註

林氏曰任官大臣至百執事也左右侍御僕從之類或以

左右為大臣非也自古賢材在位天子左右苟非其人則勢不兩立小人必勝君子必危欲賢材之任官非左右惟其人不可也○張氏曰尹欲克舜其君則為上為德可知欲克舜其民則為下為民可知○陳氏大猷曰人君莫不欲日新其德然或不克終者由小人蠱之則不間斷於已亦必間斷於人也故又告以用人之道所以貴於用有德有能而必得其人者蓋臣職在於致君澤民為上則欲輔成君德為下則欲澤潤生民所繫之重如此任用之際其難之而不易謹之而不忽待之協和而無乖信之專一而無二此言用人之當一也德

無常師主善為師善無常主協于克一

上文言用人因推取人為善之

要無常者不可執一之謂師法協合也德者善之總稱  
善者德之實行一者其本原統會者也德兼衆善不主  
於善則無以得一本萬殊之理善原於一不協於一則  
無以達萬殊一本之妙謂之克一者能一之謂也博而  
求之於不一之善約而會之於至一之理此聖學始終  
條理之序與夫子所謂一貫者幾矣太甲至是而得與  
聞焉亦異乎常人之改過者歟○張氏輯錄問德無常  
曰虞書精一數語之外惟此為精密  
言主善人而為師若仲尼無常師之意如何荅曰非也  
橫渠說德主天下之善善原天下之一最好四句三段  
一段緊似一段德且是大體說有吉德有凶德然必主  
於善始為吉爾善亦且是大段說或在此為善或在彼  
為不善或在彼為善或在此為不善或在前日則不善  
而今日則為善惟須協于克一是乃為善謂以此心揅  
度彼善耳故橫渠言原則若善之原於一耳蓋善因一  
而後定也德以事言善以理言一以心言大抵此篇只

是幾箇一字上有精神須與細看此心纔一便終始不變而有常也協字雖訓合字却是如此合彼之合非已相合之合與禮記協於分藝書協時月正日之協同義蓋若揆度參驗之意耳張敬夫謂虞書精一四句與此為尚書語之最精密者而虞書為尤精大雅此言於天下之德無一定之師惟善是從則凡有善皆可師也於天下之善無一定之主惟一其心則其所取者無不善矣協猶齊也如所謂協時月○德無常師四句上兩句是教人以其所師下兩句是教人以其所擇善而為之師○道夫問協于克一莫是能主一則自默契於善否曰協字難說只是箇比對裁斷之意蓋如何知得這善不善須是自身主宰得定始得蓋有主宰則是非善惡瞭然於心目間合於此者便是不合者便不是橫渠云德主天下之善善原天下之一這見得他說得極好處蓋從一中流出者無有不善所以伊尹從前面說來便有此意曰常厥德曰庸德曰一德常庸一只是一箇輩

卿謂一恐是專一之一曰如此則絕說不來道夫曰上文自謂德惟一動罔不吉德二三動罔不凶纔尺度不定今日長些子明日短些子便二三道夫曰到底說得來只是箇定則明明則事理見不定則擾擾擾則事理昏雜而不識矣曰只是如此曰看得道理多便於這般所在都寬平開豁都無碍塞如蜚卿恁地理會數日却是恁地這便是看得不多多少少被他這箇十六字碍又曰今若理會不得且只看自家每日一與不一時便見要之今却正要人恁地理會不得又思量但只當如橫渠所謂濯去舊見以來新意且放下着許多說話只將這四句來平看便自見又曰這四句極好看南軒云自人心惟危道心惟微數語外惟此四句好但舜大聖人言語渾淪伊尹之言較露鋒鏑得此這說得也好頃之又曰舜之言如春生伊尹之言如秋殺道夫問橫渠之言如何曰一故善一者善之原也善無常主如言前日之受非也協于克一如言皆是也蓋均是善但易地

有不同者故無常主必是合于一乃為至善一者純於理而無二三之謂一則無私欲而純乎義理矣 問善

字不知主何而言曰

**纂註**

陳氏大猷曰有專一之一終始惟一是有統一之一協

這只是主良心道夫

于克一是也無一善之或遺無一息之或閒然後盡一

德之全體尹既言惟二之旨復明協一之義德之所在

初無常師凡主於善皆所當師謂博而取之也善有萬

端亦無常主必貴協合統會于克一之地謂一以貫之

也○新安陳氏曰理之一本萬殊處擇之貴乎精理之

萬殊一本處融之貴乎一德無常師主善為師精以擇

之也即所謂惟精也善無常主協于克一一以貫之也

即所謂惟一也南軒張子謂精一數語外惟此最為精

密深味之伊尹之言即自惟精惟一充廣之也伊尹樂

克舜之道淵源甚遠學識甚精今復摘舜禹授受之微

旨以告太甲其欲使是君為堯舜

之君之心至老不變也如此夫

**俾萬姓咸曰大哉王**

言又曰一哉王心克綏先王之祿永底烝民之生

人君惟其

心之一故其發諸言也大萬姓見其言之大故能知其心之一感應之理自然而然以見人心之不可欺而誠

之不可掩也祿者先王所守之天祿也

纂註

陳氏大猷曰咸曰見

烝衆也大祿安民生厚一德之效驗也

頌之無間又曰嗚呼七世之廟可以觀德萬夫之長可

以觀政

天子七廟三昭三穆與太祖之廟七七廟親盡則遷必有德之主則不祧毀故曰七世之廟可

以觀德天子居萬民之上必政教有以深服乎人而後萬民悅服故曰萬夫之長可以觀政伊尹歎息言德政

修否見於後世服乎當時有不可掩者如此

后非民罔使民非后罔事無自

廣以狹人匹夫匹婦不獲自盡民主罔與成厥功

罔使罔事

即上篇民非后罔克胥匡以生后非民罔以辟四方之意申言君民之相須者如此欲太甲不敢忽也無母同伊尹又言君民之使事雖有貴賤不同至于取人為善則初無貴賤之間蓋天以一理賦之於人散為萬善人君合天下之萬善而後理之一者可全也苟自大而狹人匹夫匹婦有一不得自盡於上則一善不備而民主亦無與成厥功矣伊尹於篇終致其警戒之意而言外之旨則又推廣其所謂一者如此蓋道體之純全聖功之極致也嘗因是言之以為精粹無雜者一也終始無間者一也該括萬善者一也一者通古今達上下萬化之原萬事之幹語其理則無二語其運則無息語其體則并包而無所遺也咸有一德之書而三者之義悉備前乎伏羲舜禹湯後乎**纂註**新安陳氏曰觀德觀政文武周公孔子同一揆也欲太甲致謹於修德行政之際也德則一德政則一德之見於行事者又謂一德雖全尤不可以自足矜心一生而匹夫匹婦有懷不

得以自盡則一善之或遺即一德之有虧何以大有成  
於天下哉此節言后非民民非后及不可使匹夫匹婦  
不獲自盡其與舜命禹以精一而末及於衆非后何戴  
后非衆罔與守邦四海困窮天祿永終者亦有合焉伊  
尹之學其樂堯舜之  
道而有得豈不信哉

書傳輯錄纂注卷三上



謹案第二十頁前四行讀書須是有自得處刊本  
讀訛尚據語類改

第二十二頁前七行以其謨之出於聖人刊本脫  
出字據彙纂本增

第二十六頁後二行有諸已之謂信刊本信訛性  
今改



鑄錢局  
金銀局  
鑄錢局

總校官庶吉士臣張能照

校對官檢討臣盧應

膳錄監生臣呂永安

欽定四庫全書薈要卷六百九十八

經部

書傳輯錄纂注卷三下

元 董鼎 撰

朱子訂定蔡氏集傳

盤庚上

盤庚陽甲之弟自祖乙都耿圮於河水  
盤庚欲遷於殷而大家世族安土重遷

胥動浮言小民雖蕩析離居亦惑於利害不適  
有居盤庚喻以遷都之利不遷之害上中二篇  
未遑時言下篇既遷後言王氏曰上篇告羣臣  
中篇告庶民下篇告百官族姓左傳謂盤庚之  
詰實詰體也三篇今文古文  
輯錄  
皆有但今文三篇合為一  
會從古相傳

來如經傳所引用皆此書之文但不知何故說得都無頭且如今要誥諭民間一二事做得幾句如此他曉得曉不得只為說道要遷更不說道自家如何要遷如何不可以不遷萬民是因甚不要遷要得人遷也須說出利害今更不說賀孫顯道曰商書又却較分明曰商書亦只有數篇如此盤庚依舊難曉曰盤庚却好曰不知怎生地盤庚抵死要恁地遷那都若曰有水患也不曾見大故為害曰他不復更說那事頭只是當時小民被害而大姓之屬安於土而不肯遷故說得如此○元德問盤庚如何曰不可曉如古我先王將多于前功至嘉績于朕邦全無意義又當時遷都更不明說遷之為利不遷之為害如中篇又說神說鬼若使如今誥令如此好一場大鶻突尋常讀尚書讀了大甲伊訓咸有一德便著靴過盤庚却看說命然高宗彤日

亦自難看要之讀尚書可通則通不可通姑置之人傑

**纂註**

史記盤庚祖乙之曾孫也

歷祖乙子祖辛祖辛子開甲開甲弟祖丁開甲子南庚祖丁子陽甲及盤庚凡七王都耿矣亳殷亳之殷地殷者亳之別名在河南耿在河北○吳氏曰此書說者多言某篇為告臣某篇為告民某篇為兼告臣民以余觀之臣民並集之時固不當呼臣與言而使民不與聞又呼民與言而使臣不與聞特以遷都之利反覆開諭事之繫乎臣者主臣言之事之繫乎民者主民言之君心初無適莫臣民皆欲其盡曉也○林氏曰遷都利害甚明而臣民傲上從康誠常情所不堪盤庚諄復懇到曉以利害禍福之理不啻如慈母之於子非優游不斷不能奮其剛決也盖從容開諭使其曉然中心悅從以共享安利而無絲毫之牽強所以為王者之政也又曰耿

地障塞沃饒易以致富富家巨室久居殖貨閭閻細民則苦蕩析離居今遷亳乃小民之利而巨室所不欲故為浮言以搖民情此三篇所由作也

盤庚遷于殷民不適有居率籲衆感出矢言

殷在河南偃師適往

籲呼矢誓也史臣言盤庚欲遷于殷民不肯往適有居盤庚率呼衆憂之人出誓言以喻之如下文所云也周氏曰商人稱殷以盤庚始自此以前惟稱商自盤庚遷都之後於是殷商兼稱或只稱殷也曰我王

來既爰宅于茲重我民無盡劉不能胥匡以生卜稽曰

其如台

曰盤庚之言也劉殺也盤庚言我先王祖乙未都於耿固重我民之生非欲盡致之死也民適

不幸蕩析離居不能相救以生稽之於卜亦曰此地無若我何言耿不可居決當遷也

纂註

新安陳氏

曰既爰宅于茲以下疑有闕文茲指耿邑當有說水患之語然後繼以重我民無盡劉今所以欲遷者蓋重我民生無盡殺之此地之理此地蕩析於水既君民不得相正以生矣所以卜以稽之而必遷也。孔氏曰其如台其如我所行。林氏曰古者將遷國必考之卜如縣詩曰爰始爰謀爰契我龜曰止曰時築室于茲衛文楚丘之遷亦曰降觀于桑卜云其吉是也。先王有服恪謹天命茲猶不常寧

不常厥邑于今五邦今不承于古罔知天之斷命矧曰

其克從先王之烈

服事也先王有事恪謹天命不敢違越先王猶不敢常安不常其邑于今

五遷厥邦矣今不承先王而遷且不知上天之斷絕我命況謂其能從先王之大烈乎詳此言則先王遷徙亦必有稽卜之事仲丁河亶甲篇逸不可考矣五邦漢孔氏謂湯遷亳仲丁遷囂河亶甲居相祖乙居耿并盤庚



遷殷為五邦然以下文今不承于古文勢考之則盤庚之前當自有五遷史記言祖乙遷邢或祖乙兩遷也

**纂註**

薛氏曰不遷故周知天之斷命則遷乃天欲永我命也不遷故不克從先王之烈則遷乃欲紹復先

王之業也。陳氏經曰命在天而曰恪謹天命天其永命何也古人以當然之理為命而不以或然之數為命。初天之命祈天永命皆自己而言之使盤庚不遷都而苟安于耿民不聊生國將滅亡而歸之命可乎。○林氏曰一毫不應湯都盤庚遷而謂之二邦太史公謂祖乙自耿遷邢汲冢紀年謂祖乙遷奄此不可據意者更有遷而史失之歷世久遠不可臆決也。若顛木之有由蘖天其永我命于茲

**新邑紹復先王之大業底綏四方**

顛仆也由古文作𣎵木生條也顛木譬耿

由蘖譬殷也言今自耿遷殷若已仆之木而復生也天其將永我國家之命于殷以繼復先王之大業而致安

四方纂註魏氏曰書言由藥由字左氏傳註木再萌芽謂之由故云楚其復由又昭八年今在析木

之津猶將復由。韻書藥本作櫟今作析書由藥孟萌藥皆作藥李巡曰析槁木之餘也郭璞云晉衛之間曰析馬云顛木而肄生曰析。徐氏曰謂已倒之木更生孫枝也。呂氏曰京師為諸夏本國都定則四方安矣。陳氏大猷曰承天命復祖業綏四方三盤庚斁于民者盤庚圖邇之本意故史總述于篇首

由乃在位以常舊服正法度曰無或敢伏小人之攸箴

王命衆悉至于庭

斁教服事箴規也耿地瀉鹵塾隘而有沃饒之利故小民苦於蕩析離居

而巨室則總于貨寶惟不利於小民而利於巨室故巨室不悅而胥動浮言小民眩於利害亦相與咨怨間有能審利害之實而欲遷者則又徃徃為在位者之所排擊阻難不能自達於上盤庚知其然故其教民必自在

位始而其所以教在位者亦非作為一切之法以整齊之惟舉先王舊常遷都之事以正其法度而已然所以正法度者亦非有他焉惟曰使在位之臣無或敢伏小人之所箴規焉耳蓋小民患溺鹵塾隘有欲遷而以言箴規其上者汝毋得遏絕而使不得自達也衆者臣纂

註

陳氏大猷曰法度如朝市室廬之營建道路頓宿之部分去舊即新之區畫之類又曰遵故事則人情不

駭達微辭則人情不壅此遷都之大綱史特先舉之

王若曰格汝衆予告汝訓汝

猷黜乃心無傲從康

若曰者非盡當時之言大意若此也汝猷黜乃心者謀去汝之私心

也無與母同母得傲上之命從已之安蓋傲上則不肯遷從康則不能遷二者所當黜之私心也此雖盤庚對衆之辭實為羣臣而發

纂註

王氏曰凡言若曰或史述以毀民由在位故也上旨而代作非其自言。

陳氏經曰當謀去其傲上從康之心傲上者違王命而不肯從從康者懷久安而不為後日慮當時羣臣所以不遷其病根在此二者故直指其病而戒之。陳氏梅史曰盤庚戒諭羣臣惟汲汲於治其心耳黜乃心再見於首篇永肩一心申嚴於中篇不宣乃心恐迂乃心不暨予同心有戕在乃心各設中于乃心又條見于中篇至于歷告朕志心腹腎腸皆敷焉無非開心諭之也

古我先王亦惟圖任舊人共

政王播告之修不匿厥指王用丕欽罔有逸言民用丕

變今汝聒聒起信險膚予弗知乃所訟

逸過也盤庚言先王亦惟謀任

舊人共政王播告之修則奉承于內而能不隱匿其指意故王用大敬之宣化于外又無過言以惑衆聽故民用大變今爾在內則伏小人之攸箴在外則不和吉言于百姓說說多言凡起信於民者皆險陂膚淺之說我

不曉汝所言果何謂也詳此所謂舊人者世臣舊家之人非謂老成人也蓋沮遷都者皆世臣舊家之人下文人惟求舊纂註王氏炎曰訟爭辯也。新安陳氏曰民一章可見纂註用玉變以前謂先王時世家舊人能使上敬下化如此下文責今世家不能然也非予自荒茲德惟汝含德不惕予

一人予若觀火子亦拙謀作乃逸

荒廢也逸過失也盤庚言非我輕易遷徙

自荒廢此德惟汝不宣布德意不畏懼於我我視汝情明若觀火我亦拙謀不能制命而成汝過失也

纂

註新安陳氏曰含德掩晦遮蔽意與不匿厥指正相反不惕一人即傲上也成乃安逸即從康也

若罔

在綱有條而不紊若農服田力穡乃亦有秋

紊亂也綱舉則目張

喻下從上小從大中前無傲之戒勤於田畝則有秋成之望喻今雖遷徙勞苦而有永建乃家之利申前從康

戒之汝克黜乃心施實德于民至于婚友丕乃敢大言汝

有積德

蘇氏曰商之世家大族造言以害遷者欲以苟悅小民為德也故告之曰是何德之有汝曷不

去汝私心施實德于民與汝婚姻僚友乎勞而有功此實德也汝能勞而有功則汝乃敢大言曰我有積德曰積德云者亦指世家大族而言申前汝猷黜乃心之戒

**纂註**

蕭氏曰言不欲遷者徒為順民之虛名遷

則為安民之實德。李氏杞曰言不遷似姑息若可以得虛譽然民被水患而不救豈實德乎無實德及民乃敢大言欺衆謂自汝祖世有積德及民可乎。林氏曰黜私心而施實德欲其愛人以德而不以不遷之姑息為愛也。夏氏曰先王時汝祖父率民以遷今汝又率民遷是世有積德及人也。陳氏大猷曰不遷則徇人情而患在後雖若愛民實害民也遷則若拂人情而利在後雖若勞民實福民也在位以使民不遷為有德於

民故戒之如此此章總告以利下二章分告以害。新安陳氏曰前言猷黜乃心此言克黜乃心是前言所謀為之者今真能為之乃不畏戎毒于遠邇情農自安不矣所以贊其決也

昏作勞不服田畝越其罔有黍稷

戎大昏強也汝不畏沈溺大害於遠近而

憚勞不遷如怠惰之農不強力為勞苦之事不事田畝安有黍稷之可望乎此章再以農喻申言從康之害

纂註

唐孔氏曰情農對上服田力穡而反言之。林氏曰此篇文勢大抵反覆辯論皆相顧成文既曰若

農服田力穡乃亦有秋又曰情農自安不昏作勞不服田畝越其罔有黍稷既曰予若觀火又曰若火之燎于原文雖渙散而意則相屬以是知盤庚之言雖佶屈聱牙不可遽曉然反覆求之於人情甚近也

汝不

和吉言于百姓惟汝自生毒乃敗禍姦宄以自災于厥

身乃既先惡于民乃奉其恫汝悔身何及相時憊民猶  
胥顧于箴言其發有逸口矧予制乃短長之命汝曷弗  
告朕而胥動以浮言恐沈于衆若火之燎于原不可嚮  
邇其猶可撲滅則惟爾衆自作弗靖非予有咎

吉好也  
先惡為

惡之先也奉承恫痛相視也憊民小民也逸口過言也  
逸口尚可畏況我制爾生殺之命可不畏乎恐謂恐動  
之以禍患沈謂沈陷之於罪惡不可嚮邇其猶可撲滅  
者言其勢焰雖盛而殄滅之不難也靖安咎過也則惟  
爾衆自為不安非我有過也此  
**纂註**  
林氏曰不導民以  
章反覆辯論申言傲上之害

亦從之是謂先惡。陳氏大猷曰恫痛不急去之乃奉  
而養之猶安其危利其菑之意既先惡於始又護病於



今後雖悔之身無及矣。張氏曰毒曰自生禍。遲任有

言曰人惟求舊器非求舊惟新

遲任古之賢人蘇氏曰人舊則習器舊則敝當

常使舊人用新器也。今案盤庚所引其意在人惟求舊。一句而所謂求舊者非謂老人但謂求人於世臣舊家。云爾詳下文意可見。若以舊人纂註唐孔氏曰鄭云遲任古之賢史。張

氏曰器惟新者但以證人求舊爾故下文繼以乃祖父非以器喻新邑也

古我先王暨乃祖

乃父胥及逸勤予敢動用非罰世選爾勞予不掩爾善

茲予大享于先王爾祖其從與享之作福作災予亦不

敢動用非德

胥相也敢不敢也非罰非所當罰也世非一世也勞勞于王家也掩蔽也言先王及

乃祖乃父相與同其勞逸我豈敢動用非罰以加汝乎  
世簡爾勞不蔽爾善茲我大享于先王爾祖亦以功而  
配食於廟先王與爾祖父臨之在上質之在旁作福作  
災皆簡在先王與爾祖父之心我亦豈敢動用非德以  
加汝

### 纂註

孔氏曰古功臣配食于廟。新安陳氏曰配

此言與享如周禮司勲凡有功者祭於大烝耳盤庚總  
告有臣豈盡皆配享乎。孫氏曰前言胥及逸勤則曰  
乃祖乃父此與享止曰乃祖蓋逸勤不止一人配享則  
非有功之祖不與也。陳氏大猷曰此以羣臣世有勲  
勞當與國同休戚者感動之乃申言前圖任舊人之意  
謂汝從我遷我固不敢用非罰加汝執迷不遷亦不敢  
用非德福汝又承上文撲滅之言  
以起意而以威恐之以賞勸之也

予告汝于難若射之

有志汝無侮老成人無弱孤有幼各長于厥居勉出乃

力聽予一人之作猷

難言謀遷徙之難也蓋遷都固非易事而又當時臣民傲上從康不

肯遷徙然我志決遷若射者之必於中有不容但已者弱少之也意當時老成孤幼皆有言當遷者故戒其老

成者不可侮孤幼者不可少之也爾臣各謀長遠其居勉出汝力以聽我一人遷徙之謀也

**纂註**

王氏

炎曰我告汝以遷非易也如射之有志定而後發發而期於必中豈嘗試其有成哉。孔氏曰不用老成人之言而遷是侮之不遷則孤幼他日受害是弱之

**無有遠邇用罪伐厥死用德彰**

**厥善邦之臧惟汝衆邦之不臧惟予一人有佚罰**

用罪猶言

為惡用德猶言為善也伐猶誅也言無有遠近親疎凡伐死彰善惟視汝為惡為善如何爾邦之善惟汝衆用德之故邦之不善惟我

**纂註**

曾氏曰用罪猶曰用罰用德猶曰用賞。陳氏大猷

一人失罰其所當罰也

曰死者刑之重舉重故言死。張氏曰不從遷者罪也從遷者善也。凡爾衆其惟致告自

今至于後日各恭爾事齊乃位度乃口罰及爾身弗可

悔致告者使各相告戒也自今以往各敬汝事整齊汝位法度汝言不然罰及汝身不可悔也。纂註

呂氏曰其惟致告當時所諭惟造在王庭者故欲其轉相告語也。孫氏曰恭爾事則無傲上齊乃位則無從康度乃口則無浮言三者盤庚所深戒也。呂氏曰三書反覆折難須於包容處看其度量於委曲訓誥處看其思意於規畫纖悉處看其措置。林氏曰使盤庚驅以刑罰而使之遷誰敢違之今其言乃若有所甚畏者蓋得天下有道得其民也得其民者得其心也得其心不過所欲與之聚爾今之遷惟欲聚民所欲而已苟以勢力與臣民較以失人心雖能強之使遷而民心已離矣故寧為優游不忍之辭開諭其心使知吾之本意既

不失民之心亦不害吾之遷此盤庚所以為仁也。陳氏大猷曰世主之懦者惟知徇人事所當為慮拂人情而輒沮其果者惟知徇己事苟當為遽拂人情而不恤二者皆非也盤庚內不失已外不失人所以為兩全歟

### 盤庚中

盤庚作惟涉河以民遷乃話民之弗率誕告用亶其有

衆咸造勿褻在王庭盤庚乃登進厥民

作起而將遷之辭殷在河南故

涉河誕大亶誠也咸造皆至也勿褻戒其毋得褻慢也此史氏之言蘇氏曰民之弗率不以政令齊之而以話言曉之盤

**纂註**

呂氏曰已離舊邦未至新邑則王庭蓋道路行宮如周禮掌次是也班次臣在

前民在後故升進其民於前而告之

曰明聽朕言無荒失朕命

荒廢也

嗚呼

古我前后罔不惟民之承保后胥感鮮以不浮于天時

承敬也蘇氏曰古者謂過為浮浮之言勝也后既無不惟民之敬故民亦保后相與憂其憂雖有天時之

災鮮不以人力勝之也林氏曰憂民之憂者民亦憂其憂罔不惟民之承保民之憂也保后胥感民亦憂其憂

也纂註新安陳氏曰承奉順之意蘇氏訓為敬傳從之恐非殷降大虐先王不懷

厥攸作視民利用遷汝曷弗念我古后之聞承汝俾汝

惟喜康共非汝有咎比于罰先王以天降大虐不敢安居其所興作視民利當遷

而已爾民何不念我以所聞先王之事凡我所以敬汝使汝者惟喜與汝同安爾非為汝有罪比于罰而謫遷

汝也子若籲懷茲新邑亦惟汝故以丕從厥志我所以招呼懷來于

此新邑者亦惟以爾民蕩析離居之故欲承汝俾汝康  
共以大從爾志也或曰盤庚遷都民咨胥怨而此以為  
丕從厥志何也蘇氏曰古之所謂從衆者非從其口  
之所不樂而從其心之所不言而同然者夫趨利而避  
害捨危而就安民心同然也殷亳之遷實斯民所利特  
其一時為浮言搖動怨咨不樂使其即安危利害之實  
而反求其心則固其所大欲者矣

今予將試以汝遷安定厥邦汝不憂

朕心之攸困乃咸大不宣乃心欽念以忱動予一人爾

惟自鞠自苦若乘舟汝弗濟臭厥載爾忱不屬惟胥以

沈不其或稽自怒曷瘳

上文言先王惟民之承而民亦保后胥感今我亦惟汝故安定

厥邦而汝乃不憂我心之所困乃皆不宣布腹心欽念  
以誠感動於我爾徒為此紛紛自取窮苦譬乘舟不以

時濟必敗壞其所資今汝從上之誠間斷不屬安能有濟惟相與以及沈溺而已詩曰其何能淑載胥及溺正此意也利害若此爾民而罔或稽察焉是雖怨疾忿怒何損於困苦乎

汝不謀長以思乃

災汝誕勸憂今其有今罔後汝何生在上

汝不為長久之謀以思其

不遷之災是汝大以憂而自勸也孟子曰安其危而利其災樂其所以亡勸憂之謂也有今猶言有今日也罔後猶言無後日也上天也今其有今罔後是天斷棄汝命汝有何生理於天乎下文言迓續乃命于天蓋相首尾之辭

今予命汝一無起穢以自臭恐人倚乃身迓乃心

爾民當一心以聽上無起穢惡以自臭敗恐浮言之人倚汝之身迓汝之心使汝邪僻而無中正之見也予

迓續乃命于天子豈汝威用奉畜汝衆

我之所以遷都者正以迎續汝



命于天子豈以威脅汝哉用以奉養汝衆而已予念我先神后之勞爾先予丕

克羞爾用懷爾然

神后先王也羞養也即上文畜養之意言我思念我先神后之勞爾先人

我大克羞養爾者用懷念爾故也

失于政陳于茲高后丕乃崇降罪疾

曰曷虐朕民

陳久崇大也朕圯而不遷以病我民是失政而久于此也高后湯也湯必大降罪疾

于我曰何為而虐害我民盖人君不能為民圖安是亦虐之也

汝萬民乃不生生暨予

一人猷同心先后丕降與汝罪疾曰曷不暨朕幼孫有

比故有與德自上其罰汝汝罔能迪

樂生興事則其生也厚是謂生生先

后泛言商之先王也幼孫盤庚自稱之辭比同事也與失也言汝民不能樂生興事與我同心以遷我先后大

降罪疾於汝曰汝何不與朕幼小之孫同遷乎  
故汝有失德自上其罰汝汝無道以自免也

古我先

后既勞乃祖乃父汝共作我畜民汝有戕則在乃心我

先后綏乃祖乃父乃祖乃父乃斷棄汝不救乃死

既勞乃祖

乃父者申言勞爾先也汝共作我畜民者汝皆為我所  
畜之民也戕害也綏懷來之意謂汝有戕害在汝之心  
我先后固已知之懷來汝祖汝父  
汝祖汝父亦斷棄汝不救汝死也

茲予有亂政同位具

乃貝玉乃祖乃父丕乃告我高后曰作丕刑于朕孫迪

高后丕乃崇降弗祥

亂治也具多取而無有之謂言若我治政之臣所與共天位者不以

民生為念而務富貝玉者其祖父亦告我成湯作丕刑  
于其子孫啓成湯丕乃崇降弗祥而不赦也此章先儒

皆以為責臣之辭然詳其文勢曰茲予有亂政同位則亦對民庶責臣之辭非直為羣臣言也案上四章言君有罪民有罪臣有罪我高后與爾民臣祖父一以義斷之無所赦也王氏曰先王設教因俗之善而導之反俗之惡而禁之方盤庚時商俗衰士大夫棄義即利故盤庚以具貝玉為戒此反其俗之惡而禁之者也自成周以上莫不事死如事生事亡如事存故其俗皆嚴鬼神以經考之商俗為甚故盤庚特稱先后與臣民之祖父崇降罪疾為告此因其

輯錄

群臣之祖父若真有物在

其上升災降罰與之周旋從事於日用之間者銖竊謂此亦大槩言理之所在質諸鬼神而無疑爾而殷俗尚鬼故以其深信者導之夫豈亦真有一物邪乞賜垂誨先生曰鬼神之理聖人蓋難言之謂真有一物固不可謂非真有一物亦不可若未

纂註

新安陳氏曰神后言神靈在天高后言功

德崇高與先后皆指先王之遷都者言之大意言我不率民以遷先王必罪我汝不從上以遷不特先王罪汝亦禍汝矣

嗚呼今予告汝不易永敬大恤無胥絕遠汝

分猷念以相從各設中于乃心

告汝不易即上篇告汝于難之意大恤大憂也

今我告汝以遷都之難汝當永敬我之所大憂念者君民一心然後可以有濟苟相絕遠而誠不屬則殆矣分猷者分君之所圖而共圖之分念者分君之所念而共念之相從相與也中者極至之理各以極至之理存于心則知遷徙之議為不可易而

**纂註**

新安陳氏曰告汝不易一說告汝于

難之意一說告汝者一定不易矣中者人心同然之理何待於設正緣羣臣徇於私情之一偏則中之理亡矣汝不當偏為私已計當分汝所謀所念以從上各設中理于心則明見利害自有不偏之準在於胷中不至於

偏私矣不設中于心則人必倚汝身迂汝心也

乃有不吉不迪顛越不恭暫遇

姦宄我乃劓殄滅之無遺育無俾易種于茲新邑

乃有不善

不道之人類踰越不恭上命者及暫時所遇為姦為宄劫掠行道者我小則加以劓大則殄滅之無有遺育毋使移其種于此新邑也遷徙道路艱闕

往哉生生今

予將試以汝遷永建乃家

往哉往新邑也方遷徙之時人懷舊土之念而未見新居

之樂故再以生生勉之振起其怠惰而作其趨事也試用也今我將用汝遷永立乃家為子孫無窮之業也

纂註

新安陳氏曰生生生生養不窮之道也末二句應前今予將試以汝遷安定厥邦前以邦言此以家言

互文見意民惟邦本本固邦寧必民家永建而後邦國安定也

# 盤庚下

盤庚既遷奠厥攸居乃正厥位綏爰有衆

盤庚既遷新邑定其所居

正君臣上下之位慰勞臣民遷徙之勞以安有衆之情也此史氏之言

曰無戲怠懋建大

命

曰盤庚之言也大命非常之命也遷國之初臣民上下正當勤勞盡瘁趨事赴功以為國家無窮之計故

盤庚以無戲怠戒之以建大命勉之

纂註

陳氏大猷曰當時傲上從康戲怠乃其故習未遷則憚以為難

既遷則苟以為足未必不謂不必更勉而自可以永命矣命雖在天建立之在我必懋勉而後能立大命必無戲怠而後能懋勉故首以無戲怠矯其舊習而新其精神也

今予其敷心腹腎腸歷

告爾百姓于朕志罔罪爾衆爾無共怒協比讒言予一

人

歷盡也百姓畿內民庶百官族姓亦在其中

纂註

新安陳氏曰朕志下文所言是也意前日浮言

之徒必有唱為事定後有罪責之說者故以此言釋衆疑而絕謗讒也

古我先王將多于

前功適于山用降我凶德嘉績于朕邦

古我先王湯也適于山往于亳

也契始居亳其後屢遷成湯欲多于前人之功故復

往居亳案立政三亳鄭氏曰東成皋南輶轅西降谷以

亳依山故曰適于山也降下也依山地高水下

而無河圯之患故曰用我凶德嘉績美功也

纂註

氏

炎曰自此至用宏茲賁言所以遷之意以諭臣民也自邦伯師長至篇終既遷之後言欲為之意以望羣臣也

此所謂朕志也○愚案立政三亳又本皇甫謐說

今我民用蕩析離居罔有定

極爾謂朕曷震動萬民以遷

今朕為河水圯壞沈溺墊隘民用蕩析離居無有定

止將陷于凶德而莫之救爾肆上帝將復我高祖之德  
謂我何故震動萬民以遷也

亂越我家朕及篤敬恭承民命用永地于新邑

乃上天將復我

成湯之德而治及我國家我與一二篤敬之臣敬承民命用長居于此新邑也

肆予冲人非廢

厥謀弔由靈各非敢違卜用宏茲賁

冲童弔至由用靈善也宏賁皆大也

言我非廢爾衆謀乃至用爾衆謀之善者指當時臣民有審利害之實以為當遷者言也爾衆亦非敢固違我卜亦惟欲宏大此大業爾言爾衆亦非有他意也蓋盤庚於既遷之後申彼此之情釋疑懼之意明吾前日之用謀畧彼既往之傲情委曲忠厚之意藹然於言辭之表大事以定大業以興成湯之澤於是而益永盤庚其賢矣

纂註

張氏曰盤庚非特不廢人謀卜者鬼謀亦不敢違之是人謀鬼謀皆以為當遷○蘇氏曰



賁飾也宏大此郊廟朝市之飾。○陳氏傳良曰各非敢違卜君民匹敵之言也。蓋曰吾與汝皆非私意各惟卜是用以求其宏大藩飾之事爾。○新安陳氏曰此篇如多于前功以下朱子本疑之如弔由靈宏茲賁等語實難曉姑依前

嗚呼邦伯師長百執事之人尚皆隱哉

隱痛

也盤庚復歎息言爾諸侯公卿百執事之人庶幾皆有所隱痛於心哉

予其懋簡相爾念

敬我衆

相爾雅曰導也我懋勉簡擇導汝以念敬我之民衆也

朕不肩好貨敢恭

生生鞠人謀人之保居敘敘

肩任敢勇也鞠人謀人未詳或曰鞠養也我不任好

賄之人惟勇於敬民以其生生為念使鞠人謀人之保居者吾則敘而用之敘而禮之也

今我既羞

告爾于朕志若否罔有弗欽

羞進也若者如我之意即敢恭生生之謂否者非我

之意即不肩好貨之謂二者爾  
當深念無有不敬我所言也

無總于貨寶生生自庸

無毋同總聚也庸民功也此則直  
戒其所不可為勉其所當為也

式敷民德永肩一心

式敬也敬布為民之德永任一心欲其久而不替也盤  
庚篇終戒勉之意一節嚴於一節而終以無窮期之盤  
庚其賢矣哉蘓氏曰民不悅而猶為之先王未之有  
也祖乙圯于耿盤庚不得不遷然使先王處之則動民  
而民不懼勞民而民不怨盤庚德之衰也其所以信於  
民者未至故紛紛如此然民怨誹逆命而盤庚終不怒  
引咎自責益開衆言反復告諭以口舌代斧鉞忠厚之  
至此殷之所以不亡而復興也後之君子厲民以自用  
者皆以盤庚藉口

纂註

新安陳氏曰此篇始曰歷告爾  
百姓于朕志終曰今我既羞告

爾于朕志若否始以朕志告百姓終以朕志告羣臣明  
示一人之心以通臣民千萬人之心告民以朕志者以

釋其疑懼之情告臣以朕志者欲其審好惡之辨前日羣臣唱浮言以惑民者傲上從康其病證也具乃貝玉其病根也今雖已遷而病證猶未退病根猶未除故始曰無戲怠以革傲上從康之病證終曰不肩好貨無總貨寶使除具乃貝玉之病根然後上能敬君命下能仁民生而可以永建國家無窮之基矣

# 說命上

是說命記高宗命傅說之言命之曰以下

制詞其原蓋出於此上篇記得說命相之辭中篇記說為相進戒之辭下篇記說論學之辭總謂之命者高宗命說實三篇之輯錄問傅說版綱領故總稱之今文無古文有輯錄史記高宗盤庚弟否曰不曾讀書如何有纂註小乙之子也名武說命三篇之文德明

丁以夢得說於傅險中遂以傳險姓之號曰傅說

王宅憂亮陰三祀既免喪其惟弗言羣臣咸諫于王曰  
嗚呼知之曰明哲明哲實作則天子惟君萬邦百官承

式王言惟作命不言臣下罔攸稟令

亮一作諒陰古作閭素喪服四制高

宗諒陰三年鄭氏注云諒古作梁楣謂之梁閭讀如鷄  
鷄之鷄閭謂廬也即倚廬之廬儀禮剪屏柱楣鄭氏謂  
柱楣所謂梁閭是也宅憂亮陰言宅憂於梁閭也先儒  
以亮陰為信默不言則於諒陰三年不言為語復而不  
可解矣君薨百官總已聽於冢宰居憂亮陰不言禮之  
常也高宗喪父小乙惟既免喪而猶弗言羣臣以其過  
於禮也故咸諫之歎息言有先知之德者謂之明哲明  
哲實為法於天下今天子君臨萬邦百官皆奉承法令  
王言則為命不言則  
**輯錄**  
諒陰天子居喪之名未詳其  
義語註郭叔雲問諒陰以他  
臣下無所稟令矣

經考之皆以諒陰為信默惟鄭氏獨以為凶廬天子居  
凶廬豈合禮制先生荅曰所引剪屏柱楣是兩事柱音  
知主反似是從手不從木也蓋始者戶北向用草為屏  
不剪其餘至是改而西向乃剪其餘草始者無柱與楣  
簷著於地至是乃施短柱及楣以拄其楣架起其簷令  
稍高而下可作戶也來諭乃於柱楣之下便云既虞乃  
剪而除之似謂剪其屏而并及柱楣則誤矣諒陰梁闇  
未詳古制定如何不敢輒為之說但假使不如鄭說亦  
未見天子不可居廬之法來諭所云不知何據恐欠子  
細也滕文公五月居廬之驗恐天子亦須如此 書說

王庸作書以誥曰以台正于四方台恐德弗類茲故弗  
言恭默思道夢帝賚予良弼其代子言

庸用也高宗用  
作書告喻羣臣

以不言之意言以我表正四方任大責重恐德不類于  
前人故不敢輕易發言而恭敬淵默以思治道夢帝與

我賢輔其將代我言矣蓋高宗恭默思道之心純一不二與天無間故夢寐之間帝賚良弼其念慮所孚精神所格非偶然

### 輯錄

高宗夢傳說分明有箇傳說在那裏而得者也高宗却不知所以夢見亦是朕兆先

見者如此祖道高宗夢傳說據此則是真有箇天帝與高宗對曰吾賚汝以良弼今人但以主宰說帝謂無形象恐也不得若世間所謂玉皇大帝恐亦不可畢竟此理如何學者皆莫能答

### 纂註

劉禹錫曰商俗

以譌引天而歐自此說後多有謂高宗假天以神之者伊川曰高宗至誠思得賢相寤寐不忘故兆朕先見於夢如常人夢寐間事有先得者多矣亦何足怪又問高宗往來說說邪說未入夢邪曰譬懸鏡於此有物必照亦非鏡往照物亦非物來入鏡大抵人心虛靈善不善必先知之○太史范氏曰中庸曰誠則形形則著揚雄曰人心其神矣乎高宗之夢誠之形而心之神也○張氏文蔚曰誠心求賢寤寐不忘此心足以合上天生賢之

心矣高宗之心有以合上天生賢之心上天之心得下應高宗求賢之心○陳氏經曰至誠之道可以前知蒿前有董五經隱者也伊川聞其名特往造焉至中途遇之曰君非程先生乎先生欲來信息甚大尹子問於伊川伊川曰靜則自明觀此則高宗夢說之事不誣矣然此不可以常情拘常事論也有高宗有傳說則可君非高宗臣非傳說而效其所為必有以私意用人不合於公論者若漢文以夢得鄧通光武以識得王梁豈足憑哉

乃審厥象俾以形旁求于天下說築傅巖之野惟肖

審詳也詳所夢之人繪其形象旁求于天下旁求者求之非一方也築居也今言所居猶謂之卜築傅巖在虞虢之間肖相似也與纂註孔氏曰刻其形象○史記殷本紀是時所夢之形相似寫其形象○史記殷本紀是時說為胥靡於傅險○孔氏曰傅氏之巖在虞虢之界通道所經有澗水壞道常使胥靡刑人築護此道說賢而

隱代胥靡築之以供食。○漢書音義胥相也。靡隨也。古者相隨坐。輕刑之名。○新安陳氏曰。傳訓築為居。以今人卜居曰卜築。證之蓋恥說之為賤役也。孟子曰。傳說舉於版築之間。賈誼曰。傳說胥靡乃相武丁古聖賢如是者多矣。不必文飾其辭。

### 爰立作相王置諸其左右

於是立以為相。案史記高宗得

說與之語。果聖人乃舉以為相。書不言省文也。未接語而遽命相。亦無此理。置諸左右。蓋以冢宰兼師保也。荀卿曰。學莫便乎近其人。置諸左右者。近其人。以學也。史臣將記高宗命說之辭。先敘事始如此。輯錄高宗夢說如伊川言。是有箇傳說便能感得高宗之夢。琮謂高宗舊學甘盤。既乃遜于荒野。入宅于河自河徂亳。其在民間久矣。當時天下有箇傳說。豈不知名當恭默思道之時。往往形於夢寐。於是審象而求之。不然賢否初不相聞。但據一時夢寐。便取來做宰相。或者於理未安。曰遜于荒野。入宅于河。自河徂亳。是說高宗是說甘



盤衆未應據來暨厥終罔顯只是尋甘盤不見

**纂註**

新安

然高宗舊勞于外爰暨小人亦是嘗在民間來

陳氏曰王置左右蓋不徒相之而必親近之也蔡氏謂以冢宰兼師保亦不必如此說得非據君爽小序召公為保周公為師相成王為

**命之曰朝夕納誨以輔台德**

此下命說之辭朝夕納誨者無時不進善言也孟子曰人不足與適也政不足間也惟大人為能格君心之非高宗既相說處之以師傅之職而又命之朝夕納誨以輔台德可謂知所本矣○呂氏曰高宗見道明故知頃刻不可無

**纂註**

新安胡氏曰相業莫大於輔君德高宗賢人之言

第一義真知本之論矣蓋其思道精見道明又素學於甘盤而有得故其言如此

**若金用汝作**

**礪若濟巨川用汝作舟楫若歲大旱用汝作霖雨**

三日為

霖高宗託物以喻望說納誨之切

三語雖若一意然一節深一節也

啓乃心沃朕心

啓開也沃

灌溉也啓乃心者開其心而無

纂註

陳氏大猷曰相業莫要於輔德輔德

莫切於格心格心之道非可外求惟以心格心啓開而發之也沃灌而入之也如渴之沃漿神受心領而入之深也○新安陳氏曰高宗命說之初已有渴教之意今欲遂沃其渴教之心說果開誠心以進言高宗心心相孚必有如土受水之沃如所謂江海之沒膏澤之潤渙然冰釋怡然理順者矣

若藥弗瞑眩厥

疾弗瘳若跣弗視地厥足用傷

方言曰飲藥而毒海岱之間謂之瞑眩瘳愈也

弗瞑眩喻臣之言不苦口也

纂註

王氏炎曰已之有失弗視地喻我之行無所見也

纂註非說之苦口不能藥已之不明非說之開導不能行○呂氏曰又恐說視已為成德無以扶持之故譬如跣足之人不視地則為物

所傷此高宗倚說為兩耳目一時不可無說也

惟暨乃僚罔不同心以匡乃辟

俾率先王迪我高后以康兆民

匡正率循也先王商先哲王也說既作相總百

官則卿士而下皆其僚屬高宗欲傳說暨其僚屬同心正教使循先王之道蹈成湯之迹以安天下之民也

嗚呼欽予時命其惟有終

敬我是命其思有終也是命上文所命者

纂註

新安

胡氏曰即相亦惟終之意

說復于王曰惟木從繩則正后從諫則聖

后克聖臣不命其承疇敢不祗若王之休命

答欽予時命之語木

從繩喻后從諫明諫之決不可不受也然高宗當求受言於已不必責進言於臣君果從諫臣雖不命猶且承之況命之如此誰敢不敬順其美命乎

# 說命中

惟說命總百官

說受命總百官  
冢宰之職也

乃進于王曰嗚呼明王

奉若天道建邦設都樹后王君公承以大夫師長不惟

逸豫惟以亂民

后王天子也君公諸侯也治亂曰亂明  
王奉順天道建邦設都立天子諸侯承

以大夫師長制為君臣上下之禮以尊臨卑以下奉  
上非為一人逸豫之計而已也惟欲以治民焉耳纂

註

孫氏曰后王君公皆有君道故曰樹大夫師長皆臣  
道故曰承后王君公皆有大夫師長以承之大夫以

下官各有長故曰師長○武夷熊氏曰明王奉若天道  
止惟以亂民至哉斯言千萬世為人君者之龜鑑也桀  
惟不知此而湯有鳴條之師紂惟不知此而武有孟津  
之會師曠言於晉侯曰天之愛民甚矣豈其使一人肆

於民上以從其淫而棄天地之性為人君者聞斯言可  
以悚然懼矣○新安陳氏曰說初見高宗上篇所言只  
及大略至是乃詳及為君立政之道始望君從諫  
自此以下至事神則難乃其進諫之綱領條目也

惟天

聰明惟聖時憲惟臣欽若惟民從乂

天之聰明無所不聞無所不見無他

公而已矣人君法天之聰明一出於公則臣敬順而民亦從治矣

纂註

呂氏曰高宗已造明哲之地若

火然泉達故說欲廣充高宗之明哲必憲天之聰明而  
後已也○陳氏大猷曰始告以從諫則聖欲其取人為  
善也此告以惟聖憲天欲其與天合德也取人為善固  
可成性必與天合德始可以言聖可謂善責難於君矣  
○新安陳氏曰憲天聰明則君與天一臣民之心均此  
天理自有不容違者此四句因上文而申言之惟聖憲  
天即明王奉若天道也惟臣欽若即承以大夫師長  
也惟民從乂即惟以亂民也但視上文加精密而已

惟

口起羞惟甲冑起戎惟衣裳在笥惟干戈省厥躬王惟

戒茲允茲克明乃罔不休

言語所以文身也輕出則有起羞之患甲冑所以衛身也

輕動則有起戎之憂二者所以為已當慮其患於人也衣裳所以命有德必謹於在笥者戒其有所輕予干戈所以討有罪必嚴於省躬者戒其有所輕動二者所以加人當審其用於已也王惟戒此四者信此而能明焉則政治無

**輯錄**

惟天聰明至干戈省厥躬八句各一義不休美矣

臣自是用欽順民自是用從又口則能起羞甲冑所以禦戎也然亦能興戎如秦築長城以禦胡而致勝廣之亂衣裳賞也在笥猶云在箱篋中甚言其取之易如云爵者上之所擅出於口而無窮惟其予之易故必審其人果賢邪果有功邪則賞不妄矣干戈刑人之具然須省察自家真箇是否恐或因怒而妄刑人或慮施之

不審而無辜者被害則刑之施當矣蓋衣裳之予在我而必審其人之賢否干戈施之於人而必審自己之是非也倘口非欲起羞而出言不當則反足以起羞甲冑本所以禦戎而出謀不當則反足以起戎衣裳在笥易以與人則不可不謹干戈討有罪則因以省躬四句皆是審惟甲冑起戎蓋不可有闕防底意方子惟口起羞如歸與石郎纂註呂氏曰此憲天聰明之條目也上二謀反是也節事人加於我者不可不防下二事我加於人者不可不省四者皆聰明之發用也知羞戎於未起之前知衣裳干戈於在笥省躬之日非聰明之大者乎○王氏炎曰此所戒皆恐其聰明藏於私欲而不與天相似也克明則庶幾於天之聰明矣○王氏曰衣裳所以彰有德無德而賜之則不如其已故宜在笥○陳氏經曰當在察於篋笥之時王之用明當在乎此○陳氏大猷曰信於此能明其所當用乃無不休美而無起羞起戎等患矣

惟治亂在庶官官

不及私昵惟其能爵罔及惡德惟其賢

庶官治亂之原也庶官得其人

則治不得其人則亂王制曰論定而後官之任官而後爵之六卿百執事所謂官也公卿大夫士所謂爵也官

以任事故曰能爵以命德故曰賢惟賢惟能所以治也私昵惡德所以亂也○案古者公侯伯子男爵之於侯

國公卿大夫士爵之於朝廷此言庶官則爵為公卿大夫士也○吳氏曰惡德猶凶德也人君當用吉士凶德

之人雖有過人之才爵亦不可及

**纂註**

品氏曰官爵及私惡是蔽於私意非憲天聰明矣○愚謂至聰

明者莫如天能法天聰明者莫如聖聖則聰明與天一而臣民莫敢不敬順矣然世之聰明者多明於人而暗於己故必先自治然後可以治人自惟口起羞至乃罔不休聰明之見於修己者也自惟治亂至惟其賢聰明之見於用人者也

**慮善以動動惟厥時**

善當乎理也時時措之宜也慮固欲其當乎理



然動非其時猶無益也聖纂註王氏曰事固有善而非人酬酢斯世亦其時而已纂註時所宜者善如裘葛之

良時如寒暑之時時非葛裘雖善何施惟未動審於慮善將動審於時宜然後事順理而當其可矣不顧可否

干時而動有其善喪厥善矜其能喪厥功自有其善則非聰明也

德虧矣自矜其能則惟事事乃其有備有備無患惟事人不効力而功隳矣

乃其有備有備故無患也張氏曰修車馬備器械事乎兵事則兵有其備故外侮不能為之憂簡稼器修稼

政事乎農事則農有其備故水旱不能為之害所謂事事有備無患者如此無啓寵納侮無

恥過作非母開寵幸而納人之侮母恥過誤而遂纂註已之非過誤出於偶然作非出於有意

新安陳氏曰啓寵納侮即女子小人近之不遜之意過而改之則無過矣恥過而作非則遂非而為惡矣本只

無心之過反成有心之惡

惟厥攸居政事惟醇

居止而安之義安於義理之所止也義理

出於勉強則猶二也義理安於自然則一矣一故政事醇而不雜也

輯錄

伊尹傳說之言雖為告君而發

然人人皆可玩味無不切於已者西山乙記

黷于祭祀時謂弗欽禮煩則亂

事神則難

祭不欲黷黷則不敬禮不欲煩煩則擾亂皆非所以交鬼神之道也商俗尚鬼高宗或未

能脫於流俗事神之禮必有過焉祖已戒其祀無豐昵傳說蓋因其失而正之也

纂註

陳氏曰黷祀將

以為欽不知反所以為不欽○新安陳氏曰蔽於矜伐非聰明也不能思患預防非聰明也啓寵吝過非聰明

也事神則難以上皆憲天聰明之事事物物皆有天然至當之理惟聰明者能盡之苟加一毫損益即是私

意非天之聰明矣

王曰旨哉說乃言惟服乃不良于言予罔聞

于行

旨美也。古人於飲食之美者，必以旨言之。蓋有味其言也。服行也。高宗贊美說之，所言謂可服行使。

汝不善於言，則我無所聞而行之也。○蘇氏曰：說之言譬如藥石，雖散而不一，然一言一藥皆足以治天下之

公患所謂古之立言者。

說拜稽首曰：非知之艱，行之惟艱。王忱不

艱，允協于先王，成德惟說，不言有厥咎。

高宗方味說之，所言而說以為

得於耳者，非難行於身者為難。王忱信之，亦不為難。信可合成湯之成德，說於是而猶有所不言，則有其罪矣。上篇言后克聖，臣不命其承，所以廣其從諫之量而將告以為治之要也。此篇言允協先王成德，惟說不言有厥咎，所以責其躬行之實。將進其輯錄，南軒云：非知之

輯錄

難行之惟艱，此

特傳說告高宗耳。蓋高宗舊學甘盤於義理知之亦多，故知得這說若常人，則須以致知為先也。此等議論儘

好道夫南軒答朱元晦曰孔子觀上世之化曰大哉知  
乎雖堯舜之民比屋可封亦能使之由之而已知者聖  
凡之分也豈可云易乎哉傳說之告高宗高宗蓋知之  
者恭默思道夢帝賚予良弼非知之明哲者有此乎故  
君奭篇言在武丁時則有若甘盤而未及乎傳說蓋發  
高宗之知者甘盤也說故告之以雖已知之此非艱也  
貴於身親實履之耳此為已知者言也若高宗纂註真  
未克知之而告之曰知之非艱則說為失言矣  
曰忱誠也使高宗以誠為主何患於行乎○李氏曰高  
宗望說以有言而說勸高宗以力行○新安陳氏曰說  
之意以為王能行而說不言則咎在說說已言而王不  
行則咎在王不在說也上篇復君以從諫此則責君以  
行言必實見於行而後始不為徒從也又案知對行言  
古所未發自傳說始發之而後致知力行為萬世學者  
為學之法程蔡氏於此等處殊為忽略不過以得於耳  
解知字以信之解忱字愚以為未也觀南軒復文公說

知字如此其重而文公稱  
貴其說如此則可見矣

### 說命下

王曰來汝說台小子舊學于甘盤既乃遯于荒野入宅

于河自河徂亳暨厥終罔顯

甘盤臣名君與言在武丁時則有若甘盤遯退也高

宗言我小子舊學于甘盤已而退于荒野後又入居於河自河往亳遷徙不常歷叙其廢學之因而歎其學終無所顯明也無逸言高宗舊勞於外爰暨小人與此相應國語亦謂武丁入于河自河徂亳唐孔氏曰高宗為王子時其父小乙欲其知民之艱苦故使居民間也蘇氏謂甘盤遯于荒野以台小子語脉推之非是

錄

予小子舊學于甘盤既乃遯于荒野云云東坡解作甘盤遯于荒野據某看只是高宗自言觀上文曰予

輯

小子可見但不知當初高宗因甚遜于荒野不知甘盤是甚樣人是學箇甚麼今亦不敢斷但據大義疑是如此兼無逸云高宗舊勞于外亦與此相應想見高宗三年不言恭默思道未知所發又見世間未有箇人強得甘盤所以思得大賢如傳說高宗若非傳說想不能致當日之治傳說若非高宗亦不能有所為故曰惟后非賢不又惟賢非后不

**纂註**

蘇氏曰武丁為太子則學于食言必相須也個甘盤武丁即位而甘盤遜去

使人求之迹其所往則居于河濱自河往毫不知其所終武丁無所卒業乃相說也古註謂武丁遜于荒野使為太子而遜則為吳太伯豈復立哉學者徒見書云高宗時舊勞于外乃小乙使之勛勞以知艱難耳決非荒野之遜也○新安陳氏曰遜于荒野或以為武丁或以為甘盤真氏大學衍義乃祖蘇氏兼君奭云在武丁時則有若甘盤是武丁即位初佐之者猶甘盤也林氏曰想自免喪而遜去況下文爾文修予罔予棄蓋高宗

恐說亦效甘盤棄之而去也  
以此見蘇說亦宜兩存之

爾惟訓于朕志若作酒醴

爾惟麴蘖若作和羹爾惟鹽梅爾交修予罔予棄予惟

克邁乃訓

心之所之謂之志邁行也范氏曰酒非麴  
蘖不成羹非鹽梅不和人君雖有美質必

得賢人輔導乃能成德作酒者麴多則太  
甘麴蘖得中然後成酒作羹者鹽過則鹹梅過則酸鹽  
梅得中然後成羹臣之於君當以柔濟剛可濟否左右  
規正以成其德故曰爾交修予爾無我棄我能行爾之

言也孔氏曰交

**纂註**

陳氏大猷曰訓志猶云格心○陳  
氏經曰中篇說謂惠高宗之不能

者非一之義  
行不患臣之不能言此篇高宗謂  
患說之不能言不患我之不能行

說曰王人求多聞時

惟建事學于古訓乃有獲事不師古以克永世匪說攸

聞

求多聞者資之人學古訓者反之已古訓者古先聖王之訓載修身治天下之道二典三謨之類是也說

稱王而告之曰人求多聞者是惟立事然必學古訓深識義理然後有得不師古訓而能長治久安者非說所

聞甚言無此理也○林氏曰傳說稱王而輯錄而今人告之與禹稱舜曰帝光天之下文勢正同

輯錄

只管說

治心修身若不見這箇理心是如何地治身是如何地修若如此說資質好便養成箇無能底人資質不好便

都執縛不住了傳說曰學于古訓止匪說攸聞古訓何消得讀他做甚底蓋聖賢說出道理在裏必學乎此後

可以有得賜經籍古人纂註息齋余氏曰王人只從古言學字方自說命始有纂註註謂王者君與義同○王

氏肅曰王人猶君人○呂氏曰學問之博貴有實用非徒為觀美也大而建立大經經綸大業彌綸大化至於

贊天地化育皆所謂建事也此所謂有用之學否則所聞雖多亦奚以為○葉氏曰前篇說惟以政事對此篇



高宗訪以道學故說以道學對○真氏曰大學之道自格物致知推而至於治國平天下蓋致知所以明理理明則見諸行事者舉而措之耳此求多聞建事之意也古者學與事為一故精義所以致用利用所以崇德本末非二致也後世學與事為二故求道者以政事為虛迹任事者以講學為空言不知天下未嘗有無理之事無事之理老莊言理而不及事是有無事之理也管商言事而不及理是有無理之事也深味傳說之言則古先聖王之正傳可以識矣○王氏曰求多聞而不為古訓是式則是非無所考正而所聞愈惑矣

惟學

遜志務時敏厥修乃來允懷于茲道積于厥躬

遜謙抑也務專

力也時敏者無時而不敏也遜其志如有所不能敏於學如有所不及虛以受人勤以勵已則其所修如泉始達源源乎其來矣茲此也篤信而深念乎此則道積于身不可以一二計矣夫修之來來之積其學之得於已

者如

# 輯錄

惟學遜志止厥德修罔覺遜志者遜順其志  
捨下這志入邨事中子細下心下意與他理

會若高氣不伏以為無緊要不能入細理會得則其修  
亦不來矣既遜其志又須時敏若似做不做或作或輟  
亦不濟事須是遜志務時敏則厥修乃來為學之道只  
此二端而已又戒以允懷于茲二者則道乃積于厥躬  
積者來得件數多也周易曰君子以虛受人書曰惟學  
遜志舊有人來問事他略不虛心一味氣盈色滿當面  
與他說全不聽得賀孫  
**纂註** 李氏曰為學之道常以卑遜自下為  
心以能問不能以多問寡有若無實  
若虛遜志之謂也○新安陳氏曰驕與怠最害於學驕  
則志盈善不可入怠則志惰功不可進遜則不驕敏則  
不急厥修所以來也○呂氏曰為學之初先要虛心下  
氣方能受天下之善若氣高則便與為學工夫相背○  
陳氏經曰信道不篤則所修雖來亦不堅凝惟允懷于  
此篤信不忘則來者積聚不散來如日知其所無積如

月無忘其所能也

**惟數學半念終始典于學厥德修罔覺**

數教也言

教人居學之半蓋道積厥躬者體之立數學于人者用之行兼體用合內外而後聖學可全也始之自學學也終之教人亦學也一念終始常在於學無少間斷則德之所修有不知其然而然者矣或曰受教亦曰數數於為學之道半之半須自得此說極為新巧但古人論學語皆平正的實此章句數非一不應中間一語獨爾險巧此蓋後世釋教機權輯錄惟數學半蓋已學既成居而誤以論聖賢之學也于人上則須教人自學者學也而教人者亦學也蓋初學得者是半既學而推以教人與之講說已亦因此溫得此段文義是數之功亦半也念終始典于學始之所以學者學也終之所以教人者亦學也自學教人無非是學自始至終日日如此忽不自知其德之修也又曰傳說此段說為學工夫極精密伊尹告太甲者極痛切倘因說數學半或舉葛氏

解云傳說與王說我教你者只是一半事那一半要你  
自去行取故謂之終始先生曰近見喻子才跋某人說  
命解後亦引此說呂伯恭亦如此說某舊為同安簿時  
學中一士子作書義如此說見他說得新巧大喜之先  
說王人求多聞時惟建事此是人君且學且數一面理  
會教人又一面窮理義後面說得監于先王成憲其永  
無愆數語是平正實語不應中間翻空一句如此深險  
如數得一半不成卽一半掉放冷處教他自得此語全  
似禪語五通仙人問佛六通如何是卽一通卽一通便  
是妙處且如學記引此亦只依古註賜參用備錄惟學  
遊志止罔覺自古未有人說學字自傳說說起他這數  
句水潑不入便是說得密若終始典于學其德之進不  
知覺而自**纂註**呂氏曰師只教得一半此一半又在學  
進也賜者自理會如師舉一隅學者以三隅反  
師告諸往學者當以來者自悟聖人教人引而不發上  
一半固賴提指之功下一半必自用工可也說言及此

蓋恐高宗全倚之耳聖賢著書垂訓只說得上一半工夫若下一半在學者當自體會○真氏曰毀之與學各居其半我之所教僅能半之高宗於此尤當自力必一念終始常在於學無少間斷然後德之修有不自知者曰終始不曰始終學無止法也上言道之積下言德之修以理之共由言之謂之道以理之自得言之謂之德非有二也呂氏之說未見其為奇險且與念終始典于學相屬姑竝存之以俟商訂云○任氏曰修乃來者可進于乃來惟其無可見之迹此德修之妙於罔覺

**監于**

**先王成憲其永無愆**

憲法愆過也言德雖造于罔覺而法必監于先王先王成法者子孫

之所當守者也孟子言遵先王之法而過者未之有也亦此意

**纂註**

張氏曰監先王成憲欲高宗以湯為

法也○陳氏大猷曰德修罔覺則德盛矣必監先王成憲始能無愆何邪蓋先王之道德法度皆成憲之所在

歷萬世而無弊者也。佛老之學，其凝神忘志，亦發於德，修罔覺者矣。惟不知監先王成憲，故學其所學而非先王之學，德其所德而非先王之德。是以流弊不可勝救。○呂氏曰：無愆德之至難也。舜德盛矣，皋陶唯曰：「罔怨而已。」○陳氏經曰：自遜志至典學，乃學之次序。監先王成憲，乃學之準的。惟說式克欽承旁

## 招俊又列于庶位

式用也。言高宗之德，苟至於無愆，則說用能敬承其意，廣求俊又列於衆

職，蓋進賢雖大臣之責，然高宗之德未至，則雖欲進賢，有不可得者。

**纂註**

彭氏曰：大臣以已事君，不若以

天下之賢事君，一相得其人，則天下之賢兼收並蓄，庶位皆得其人。○陳氏大猷曰：君莫大於務學，以進德相莫大於為君以求賢。○武夷熊氏曰：嘗讀孟子至三王四事章，所謂湯執中立賢無方者，亦何取其義至於窮夜旦所思而汲汲若是乎？蓋嘗考之虞夏用人，不過一二世族而已。八元八凱則高辛高陽之才子，史記禹稷

契世系同所自出孔安國傳書以益為皋陶子皋陶即高辛才子庭堅也周以親親為重武王兄弟九人皆列為顯諸侯召畢亦以周同姓為上公一時大臣之子若孫大抵各以其世雖凡民之俊秀論於王朝不過州閭族黨之官出長入治之職如三公呂望六卿蘇公諸侯三恪之外異姓亦鮮矣逮至春秋孔門高弟仕者不過止於家臣一有所進則謂之遠聞親新聞舊矣周公諒亦知其未廣也故日夜之所思惟以湯之立賢無方為中道今觀商書一則曰敷求哲人二則曰旁招俊乂伊尹萊朱巫賢傳說諸大臣非以其親以其賢也主於賢則有德是視故不間親主於親則未必皆賢且妨天下之賢路矣信矣立賢無方為不易之中道而周公往往言之亦未得盡行其志也

王曰嗚呼說四海之內咸仰

朕德時乃風

風教也天下皆仰我德是汝之教也

股肱惟人良臣惟聖

足手

備而成人良臣輔而君聖高宗初以舟楫霖雨為喻繼以麴蘖鹽梅為喻至此又以股肱惟人為喻其所造益深所望纂註新安陳氏曰高宗潛默之久一旦舉說而益切矣纂註相之風聲所動四海仰德然非輔君作聖則無以慰人心之仰說始告君以從諫則聖惟聖時憲是臣以聖期待其君今高宗語說以良臣惟聖是君亦期待矣

期以聖自昔先正保衡作我先王乃曰予弗克俾厥后惟堯舜其心愧恥若撻于市一夫不獲則曰時予之辜佑

我烈祖格于皇天爾尚明保予罔俾阿衡專美有商

正先

先世長官之臣保安也保衡猶阿衡作興起也撻于市恥之甚也不獲不得其所也高宗舉伊尹之言謂其自任如此故能輔我成湯功格于皇天爾庶幾明以輔我無使伊尹專美於我商家也傳說以成湯望高宗故曰



協于先王成德監于先王成憲高宗以伊尹望傳說故曰罔俾阿衡專美有商

**纂註**

陳氏大猷曰尹在畎

畝則欲使君為堯舜之君民為堯舜之民其自任之重如此說起版築為相迹與尹同則其自任不可不與尹同○周子曰伊尹恥其君之不及堯舜一夫不獲則曰時予之辜學者當志伊尹之所志○真氏曰學者口不可一日不誦此言心惟后非賢不又惟賢非后不食其不可一日不存此念

爾克紹乃辟于先王永綏民說拜稽首曰敢對揚天子

之休命

臣非賢臣不與共治賢非其君不與共食言君臣相遇之難如此克者責望必能之辭敢者自

信無嫌之辭對者對以已揚者揚于衆休命上文高宗所命也至是高宗以成湯自期傳說以伊尹自任君臣相勉勵如此異時高宗為商令王傳說輯錄惟后非賢為商賢佐果無愧於成湯伊尹也宜哉

君必任賢而後可以致治也惟賢非后不食言人君當任養賢之責也高宗本意如此問者疑其成病固察之不詳而荅者亦無一人說破此意何邪荅或人伊尹告太甲便與傳說告高宗不同伊尹之言諄切懇到蓋太甲資質低不得不然若高宗則無許多病痛所謂黷于祭祀時謂弗欽之類不過此等小事爾

## 高宗彤日

高宗彤祭有雉雉之異祖已訓王史氏以為篇亦訓體也不言訓者以既

有高宗之訓故只以篇首四字為題今文古文皆有**纂註**高堂隆曰太戊丁有雉雉升鼎皆因災恐懼側身修行故號曰中宗高宗興也勃焉

## 高宗彤日越有雉雉

彤祭明日又祭之名殷曰彤周日曰雉雉鳴也於彤日有雉雉之異蓋

祭禩廟也序言湯廟者非是

## 纂註

陳氏曰祭之明日以禮享尸行事之有司及助祭之賓客皆與焉然

謂之又祭而不謂之享者以尸猶有鬼神之道也

祖已曰惟先格王正厥事

格

也猶格其非心之格詳下文高宗祀豐于昵昵者禰廟也豐于昵失禮之正故有雌雄之異祖已自言當先格

王之非心然後正其所失之事惟天監民以下正事之言也

纂註

蘇氏曰武

丁不修人事數祭媚神又豐于親廟儉于遠者敬其父薄其祖此失德之大者故傳說祖已皆先格而正之○

孔光曰上天聰明苟無其事變不虛生書曰惟先格王正厥事言變異之來起事有不正也○王氏曰祖考罔非天嗣祀有典不可豐殺訓之使改所謂正厥事○新安陳氏曰案此諸說不過當先格正王而改正其事似不必分為兩截工夫

乃訓于王曰惟天監下民典厥義降年有永

有不永非天天民民中絕命

典主也義者理之當然行而宜之之謂言天監視下

民其禍福予奪惟主義如何爾降年有永有不永者義則永不義則不永非天夭折其民民自以非義而中絕其命也意高宗之祀必有祈年請命之事如漢武帝五時祀之類祖已言永年之道不在禱祠在於所行義與不義而已禱祠非永年之道也言民而不言君者不敢斥也

民有不若德不聽罪天

既孚命正厥德乃曰其如台

不若德不順於德不聽罪不服其罪謂不改過也孚

命者以妖孽為符信而譴告之也言民不順德不服罪天既以妖孽為符信而譴告之欲其恐懼修省以正德民乃曰妖孽其如我何則天必誅絕之矣祖已意謂高宗當因雖難以自省不可謂適然而自恕夫數祭豐昵微福於神不若德也黷於祭祀傳訛嘗以進戒意或否改不聽罪也雖難之異是天既孚命正厥德矣其可謂妖孽其如

嗚呼王司敬民罔非天庥典祀無豐于昵

司主

脩嗣也王之職主於敬民而已微福於神非王之事也況祖宗莫非天之嗣主祀其可獨豐於昵廟乎

纂

註

○孔氏曰昵近也豐于近廟○馬氏曰昵考也謂禰廟

○陳氏經曰為雉雉訓王而書不及雉本以訓王而

辭屢及民末始指王而言辭不迫而意獨至矣○呂氏曰災異有二失道之君與天隔絕災異之應常遲賢君與天貫通災異之應常速高宗恭默夢帝精神素與天通又聰明憲天修德又與天合故於祀事略過豐飛雉隨即應之此雖過於厚亦過也精誠積久天既賚之過失微形天遽警之固見天之警君無私亦見天之愛君甚速也蹟於祭祀禮煩則亂說已知高宗之偏在此旨哉惟艱領略警省深矣而此心終難除氣質偏厚者尚難變乃知行之果為艱也此篇為雉雉作而進戒之言不及災異獨指大公之道示之非祖已諷諫不敢直言

蓋高宗聰明從諫不待深言也

西伯戡黎

西伯文王也名昌姓姬氏戡勝也黎國名在上黨壺關之地案史記文王

脫羑里之囚獻洛西之地紂賜弓矢鉞鉞使得專征伐為西伯文王既受命黎為不道於是舉兵伐而勝之祖伊知周德日盛既已戡黎紂惡不俊勢必及殷故恐懼奔告于王庶幾王之改之也史錄其言以為此篇誥體也今文古文皆有○或曰西伯武王也史記嘗載紂使膠鬲觀則武王亦繼文王為西伯矣

西伯既戡黎祖伊恐奔告于王

下文無及戡黎之事史氏特標此篇首以見祖

伊告王之因也祖姓伊名祖已後也奔告自其邑奔走来告紂也

曰天子天既訖我殷

命格人元龜罔敢知吉非先王不相我後人惟王淫戲

用自絕

祖伊將言天訖殷命故特呼天子以感動之訖絕也格人猶言至人也格人元龜皆能先知吉

凶者言天既已絕我殷命格人元龜皆無敢知其吉者甚言凶禍之必至也非先王在天之靈不佑我後人我

後人淫戲用輯錄

西伯戲黎便是這箇事難判斷觀戲自絕於天耳黎大故逼近紂都了豈有諸侯臣子

而敢稱兵於天子之都乎看來文王只是不伐紂耳其他事亦都做了如伐崇戲黎之類韓退之云臣罪當誅今天王聖明伊川以為此說出文王心來嘗疑這箇說得來太過據當日事勢觀之恐不如此若說文王終守臣節何故伐崇侯虎只是後人因孔子以服事殷一句遂委曲回護箇文王說教好看殊不知孔子只是說文王不伐紂耳嘗見雜說云紂殺九侯鄂侯爭之強辨之疾併醢鄂侯西伯聞之竊歎崇侯虎諧之曰西伯欲叛紂怒囚之羑里西伯歎曰父有不慈子不可以不孝君有不明臣不可以不忠豈有君而可叛者乎於是諸侯

聞之以西伯能敬上而卹下也遂相率而歸之者來只  
這般說得平備銖問西伯戡黎舊說西伯多指文王惟  
陳少南呂伯恭薛季隆以為武王吳才老亦曰乘黎恐  
是伐紂時事武王未稱王亦只稱西伯而已銖案書序  
言殷始咎周周人乘黎則殷自此以前未嘗惡周也殷  
始有惡周之心而周又乘襲戡勝近畿之黎國迫於王  
都且見征伐黎在漢上黨郡並閼討都朝歌上黨在朝  
歌之西此祖伊所以恐而奔告於受曰天既訖我殷命  
曰恐曰奔告曰訖我殷命則其事勢亦且迫矣恐非文  
王時事也文王率商之叛國以事紂而孔子亦稱其三  
分天下有其二以服事殷為至德所謂有事君之小心  
者正文王之事孔子所以謂之至德也當時征伐雖或  
有之未必迫近於畿甸然史記又謂文王伐犬戎伐密  
須敗耆國耆即黎也音相近文王得專征伐故伐之二  
說未知孰是乞賜垂誨先生荅曰此等無證據可且闕  
之○殷始咎周周人乘黎祖伊恐奔告於受這事勢便



自是住不得若曰奔告于受則商之忠臣義士何嘗一日忘周自是昏迷耳○道夫問孔氏傳謂書序是後人傳會不足信曰亦不必序只經文謂祖伊恐奔告于王曰天子天既訖我殷命則是已交手爭競了紂固無道然亦是武王事勢不相安住不得了仲虺告成湯曰肇我邦于有夏止非辜則仲虺分明言事勢不容住我不誅彼則彼將圖我矣後人多曲為之說以諱之要之自是避不得

故天棄我不有康食

不虞天性不迪率典

康安虞度也典常法也紂自絕於天故天棄殷不有康食饑饉荐臻

也不虞天性民失常心也不迪率典廢壞常法也

纂註

新安陳氏曰詩曰自天降康豐年穰穰以豐穰

為降康則不有康食為天降饑饉明矣書之言性此第三見蓋謂人所受於天之性為私欲所蔽而不能省察也惟不自省察其天性是以不導迪率循乎典常凡此皆謂紂耳

今我民罔弗欲喪曰

天曷不降威大命不摯今王其如台

大命非常之命摯至也史記云大命

胡不至民苦紂虐無不欲殷之亡曰天何不降威於殷而受大命者何不至乎今王其無如我何言紂不復能君長我也上章言天棄殷此章言民棄殷祖伊之言可謂痛切明著矣

王曰嗚呼我生不

有命在天

紂歎息謂民雖欲亡我我之生獨不有命在天乎

祖伊反曰嗚呼乃

罪多參在上乃能責命于天

紂既無改過之意祖伊退而言曰爾罪衆多參列在

上乃能責其命於天邪呂氏曰責命於天惟與天同德者方可

纂註

呂氏曰責命于天如孔子謂天

生德於予天未喪斯文桓魋匡人其如予何是也

殷之即喪指乃功不無戮于

爾邦

功事也言殷即喪亡矣指汝所為之事其能免戮於商邦乎蘓氏曰祖伊之諫盡言不諱漢唐中

主所不能容者紂雖不改而終不怒祖伊得全則後世人主有不如紂者多矣愚讀是篇而知周德之至也祖伊以西伯戡黎不利於殷故奔告於紂意必及西伯戡黎不利於殷之語而入以告后出以語人未嘗有一毫及周者是知周家初無利天下之心其戡黎也義之所當伐也使紂遷善改過則周將終守臣節矣祖伊殷之賢臣也知周之興必不利於殷又知殷之亡初無與於周故因戡黎告紂反覆乎天命民情之可畏而畧無及周者文武公天下

**纂註**

張氏曰喪亡不俟終日將在即

之心於是可見也○林氏曰即喪言不旋踵而亡也○葉氏曰凡事積而成者皆曰功○陳氏經曰善有善之功惡有惡之功蓋其惡之成也○王氏十朋曰指乃功與惟府辜功之功同辜功猶言罪狀○蘇氏曰功事也指視也視汝所行之事雖邦人猶當哉汝況於天乎○呂氏曰伊反歸于家亦無咎周之辭大凡作事黨友親姻以為是未必是至仇敵亦以為是則是可

知矣於此知周之盛德也。○新安陳氏曰：指乃功當屬上文傳連下文解之文勢未順。

# 微子

微國名。子爵也。微子名啓，帝乙長子，紂之庶母兄也。微子痛殷之將亡，謀於箕子比

干史錄其問荅之語，亦詰體也。以篇首有微子二字，因以名篇。今文古文皆有**纂註**孔氏

曰：微，圻內國名。○唐孔氏曰：鄭玄以為微與箕俱在圻內，孔雖不言箕亦當在圻內也。比干不言封爵，或本無爵，或有而不言也。○呂氏曰：天下有道，君子相與公議於朝，各盡致君之道；天下無道，君子相與私議於家，各盡致身之道。微子與二師宗室大臣與社稷為存亡當紂之時，無所致力，不得已謀各行其志，以不失其義，欲知三仁之心，此篇可見。○陳氏經曰：賢人君子忠孝之心，不見於安平無事之際，每見於悲傷惻怛之時。

微子若曰父師少師殷其弗或亂正四方我祖底遂陳

于上我用沈酗于酒用亂敗厥德于下

父師大師三公箕子也少師孤

卿比干也弗或者不能或如此也亂治也言紂無道無望其能治正天下也底致陳列也我祖成湯致功陳列於上而子孫沈酗于酒敗亂其德于下沈酗言我而不言紂者過則歸已猶不忍斥言之也

**纂註**

唐孔

氏曰司馬彪註莊子云箕子名胥餘不知出何書○王氏肅曰箕子紂諸父○家語曰比干紂諸父○呂氏曰其者未定之辭或者非斷然之辭商亡形決矣猶曰商其不或能治正四方乎微子猶冀紂一旦悔悟不謂其果不能也○孔氏曰言湯致遂其功陳列于上世我紂也○釋文以酒為凶曰酗○呂氏曰沈酗紂自為微子歸之我者蓋以君為體視同已過以商家體統言之故總而言我亦不忍斥言紂也如五子之歌曰萬姓仇予

○新安陳氏曰敗于下對陳于上而言祖宗在上如彼而子孫在下如此忝厥祖甚矣深歎傷之 殷罔

不小大好草竊姦宄卿士師師非度凡有辜罪乃罔恒

獲小民方興相為敵讎今殷其淪喪若涉大水其無津

涯殷遂喪越至于今

殷之人民無小無大皆好草竊姦宄上而卿士亦皆相師非法上下

容隱凡有冒法之人無有得其罪者小民無所畏懼強陵弱衆暴寡方起讎怨爭鬪侵奪網紀蕩然淪喪之形茫無畔岸若涉大水無有津涯殷之喪亡乃至于今日乎微子上陳祖烈下逮喪亂哀怨痛切言有盡而意無窮數千載之下猶使人傷感悲纂註孔氏曰草憤後世人主觀此亦可深監矣野竊盜曰父師

少師我其發出狂吾家耄遜于荒今爾無指告予顛隲

若之何其

曰者微子更端之辭也何其語辭言紂發出顛狂暴虐無道我家老成之人皆逃遁于荒

野危亡之勢如此今爾無所指示告我以顛隕墜之事將若之何哉蓋微子憂危之甚特更端以問救亂之

策言我而不言紂者亦

**纂註**

孔氏曰我念商亡發疾生上章我用沈酗之義

野言愁悶汝無指意告我商邦顛隕墜如之何其救之○呂氏曰欲遜荒野使耳目不聞見紂所為○張氏

曰此微子有去之之意○蘇氏曰我其奔走去國若狂人然○陳氏經曰發出狂疾言憂之甚老成皆遜留者

父師少師耳○陳氏曰其語助辭齊魯之間聲讀如姬記曰何居義與此同○新安陳氏曰今爾止何其傳作

一串說下來

**父師若曰王子天毒降災荒殷邦方興沈**

**酗于酒**

此下箕子之荅也王子微子也自紂言之則紂無道故天降災自天下言之則紂之無道亦天

之數箕子歸之天者以見其忠厚敬君之意與小旻詩言旻天疾威敷于下土意同方興者言其方興而未艾也此答微子沈酗于酒之語而有甚之之意下同

**纂註**

王氏炎曰自此以下箕子以其意剖析微子之

言而答之○孔氏曰比干不見明心同省文○新安陳氏曰紂之惡皆原於酒若天所使乃無所歸咎之辭惟紂之沈酗方興而未艾下民化之無怪其為敵讎亦方興而未艾也

**乃罔畏畏咈其耆長**

**舊有位人**

乃罔畏畏者不畏其所當畏也孔子曰君子有三畏畏天命畏大人畏聖人之言咈逆也

耆長老成之人也紂惟不畏其所當畏故老成舊有位者紂皆咈逆而棄逐之即武王所謂播棄黎老者此答微子發狂老遜之語以上

**纂註**

陳氏大猷曰沈酗昏迷故當畏者皆無所畏無

文特發問端故此先答之

所畏則無所不至矣以

下諸惡皆無畏所致

**今殷民乃攘竊神祇之犧牷牲**



用以容將食無災

色純曰犧體完曰牲牛羊豕曰牲犧牲牲祭祀天地之物禮之最重者猶

為商民攘竊而去有司用相客隱將而食之且無災禍豈特草竊姦宄而已哉此荅微子草竊姦宄之語纂

註

孔氏曰器實曰用○唐孔氏曰犧牲牲皆為俎實則用當為簋簋之實謂黍稷稻粱○息齋余氏曰周禮

小宗伯掌五禮之禁令與其用等註云用等牲器尊卑之差是牲與器皆可謂之用也春秋僖十九年邾人執鄆子用之謂之牲也然則所謂犧牲牲用乃一物而執異名耳蔡氏以用字屬下句使兩句皆不成文何邪降

監殷民用又讎斂召敵讎不怠罪合于一多瘠罔詔

讎斂

若仇敵拊斂之也不怠力行而不息也詔告也下視殷民凡上所用以治之者無非讎斂之事夫上以讎而斂下則下必為敵以讎上下之敵讎實上之讎斂以召之而紂方且召敵讎不怠君臣上下同惡相濟合而為一

故民多飢殍而無所告也此  
答微子小民相為敵讎之語

商今其有災我興受其敗

商其淪喪我罔為臣僕詔王子出迪我舊云刻子王子

弗出我乃顛隳

商今其有災我出當其禍敗商若淪喪  
我斷無臣僕他人之理詔告也告微子

以去為道蓋商祀不可無人微子去則可以存商祀也  
刻害也箕子舊以微子長且賢勸帝乙立之帝乙不從  
卒立紂紂必忌之是我前日所言適以害子子若不去  
則禍必不免我商家宗祀始隕墜而無所托矣箕子自  
言其義決不可去而微子之義決不  
可去也此答微子淪喪顛隳之語  
繆註 呂氏曰箕子  
縫諫紂謂我言所以不行有舊云立子之疑也今王子  
若逃亡于外則紂疑忌之心去而吾言庶幾可入萬一  
聽從亦一機也若王子不出我雖言必不見聽我亦受  
害喪亡無日矣○王氏炎曰微子不去殺身之禍恐不

獨在比干尚何宗祀之可續乎故曰我乃顛隲○陳氏  
經曰忠臣之於國明知天命之將絕未嘗不勉強扶持  
之以求萬一之幸未有安坐而視其亡者○新安陳氏  
曰發狂耄遜以為微子若狂若耄遜遜而去亦通蓋微  
子本有欲去之意故箕子於此深

自靖人自獻于先王

我不顧行遜

上文既答微子所言至此則告以彼此去

達其志於先王使無愧於神明而已如我則不復顧行  
遜也案此篇微子謀於箕子比干箕子答如上文而比  
干獨無所言者得非比干安於義之當死而無復言歟  
孔子曰殷有三仁焉三仁之行雖不同而皆出乎天理  
之正各得其心之所安故孔子皆許之以仁而所謂自  
靖者即此也○又案左傳楚克許許公面縛銜璧哀經  
與觀以見楚子楚子問諸逢伯逢伯曰昔武王克商微  
子啓如是武王親釋其縛受其璧而祓之焚其觀禮而

命之然則微子適周乃在克商之後而此所謂去者特去其位而逃遜於外耳論微子之去者當詳於是

輯

錄

銖問微子篇曰詔王子出迪我舊云刻子一段銖於三仁之去就死生未知其所以當留當去當死之切

當不可易處嘗讀微子書見其所以深憂宗國之將亡至於成疾為狂瞋耄無所致身其心切矣然終不言於紂以庶幾萬一感悟而遽為之去是必有深意者東坡則曰箕子在帝乙時以微子長且賢欲立之而帝乙不可卒立紂忌此兩人故箕子曰子之去固其道也我舊所云者害子子若不出則我與子皆危矣微子之告箕子若欲與之俱去然箕子曰吾三人者各行其志自用其心之所安者而已人各自以其意貢于先王微子去之以續先王之國箕子為之奴以全先王之祀比干以諫而死為不負先王也而林少穎亦從其說以為三人處危疑之地身居嫌隙不可強諫徒死又無益故微子雖欲謀於箕子以救紂之顛隤然箕子以為我興受

其敗猶言我起而諫則受其禍不可以復諫又不可居位故微子遯逃以避禍而箕子隱晦以自存惟比干不處嫌疑故強諫而死三人所處之勢不同故各行其志以自達於先王而已審如是說則微子箕子皆未嘗諫無乃屑屑然避嫌遠禍以苟存乎唐孔氏曰我興受其敗者我適起而受其禍敗不可逃免然殷滅之後我不事異姓不能與人為臣僕示必欲以死諫紂但箕子之諫適值紂怒未甚故得不死耳微子告二人而獨箕子答者比干與箕子意同經省文也竊意孔氏去古未遠唐孔氏蓋推本安國之意其言必有所據蓋嘗因是妄謂微子以宗國將亡不勝其憂愁無聊之心而謀出處於箕子比干故箕子為言我興受其敗不可逃免當與宗國俱為存亡故雖商祀或至淪亡我亦誓不臣屬他人蓋將諫紂紂不聽亦不敢苟全逃死而比干無一言者孔氏所謂心同不復重言是也其後比干果以諫死而箕子乃不死者比干初心豈欲徒死以沽名哉所

以諫者庶幾吾言得行而紂改焉耳紂既不改而言益切故紂遂殺之則比干亦不得而逃死耳箕子初心亦宜欲隱晦自存以苟全其生哉亦猶比干之諫冀吾言得行而紂改焉耳紂既不改而因之偶不死耳紂因之而不置之死則箕子豈固欲自經於溝瀆而為匹夫之諒哉故因遂佯狂而為奴蓋亦未欲即死庶幾彌縫其失而冀其萬有一之開悟耳蓋諫行而紂改過者二子之本心也諫不行而或死或因者二子所遇之不同耳使紂而因比干意比干亦未敢即死也使紂而殺箕子箕子敢求全哉二子易地則皆然矣至於箕子為微子之計則其意豈不以謂吾三人者皆宗國之臣利害休戚事體一同皆當與社稷俱為存亡不可復顧明哲保身之義然而微子國之元子也往者紂未立吾嘗言於帝乙而立子帝乙不從而立紂是以紂卒疑我兩人故吾舊所云者足以害子子若起諫紂則紂益生疑非惟不從害必先及子而併我危矣死分也不足惜而未有

毫髮益於紂而遽死可惜也東萊所謂人先有疑心則雖盡忠與言而未必聽蓋疑心先入而為之主是也故微子不可留但當遯逃而出乃合於道又況我與比干既留諫以事紂則存亡未可知萬一不死固罔為人臣僕此心已堅定則亦不可使成湯以來廟不血食況汝為元子又居危疑之地義當逃去萬有一全宗祀可也此三子者其制行不同各出於至誠惻怛之心無所為而為之故孔子竝稱三仁或以此歟先生答曰此說得之史記亦說箕子諫而見囚也○延平先生說三仁事云當理而無私心則仁矣今以此語推之三仁之心只欲紂改過而圖存比干之殺身蓋非得已箕子亦偶未見殺耳非有意於為奴也事勢既爾微子自是亦只得全身以存先王之祀皆理不得不然者使其先有殺身強諫之心則亦不得為仁人矣答李時可箕子比干都是一樣心箕子偶然不衝着紂之怒不殺他然見比干恁地死若更死諫無益於國徒使人君有殺諫臣之名

他處此最難微子去却易比干一向諫死又却索性箕  
子在半上落下最是難處被他監繫在那裏不免佯狂  
所以易中特說箕子之明夷可見其難處故曰利艱貞  
晦其明也內難而能正其志箕子以之他外雖狂心則  
定也寓中間所解三仁之事左傳史記所載互有不同  
但論語只言微子去之初無面縛銜璧之說今乃捨孔  
子而從左氏史遷已自難信又不得已而曲為之說以  
為微子之去乃去紂而適其封國則尤為無所據矣此  
乃人道之大變聖賢所處事雖不同而心則未嘗不同  
故孔子歷舉而並稱之且皆許其仁焉更須玩索未可  
輕論也答嚴時亨問比干之死方始謂之仁然亦只是  
一事之仁曰詳味孔子之言恐不只是一事之仁答李  
堯

### 纂註

張氏庭堅曰君子之去就死生其志在於天下  
國家而不在於一身故其死者非沽名生者非

懼禍引身以去者非忘君也故微子得奉先之孝比干  
盡事君之節箕子全愛君之仁微子自獻以其孝箕子



比干自獻以其忠然書載箕子微子之言而比干不與焉蓋人臣之義莫易明於死節莫難明於去國而屈辱用晦者尤所難辨也比干以死自誓無足為疑而箕子不免云云者重去就之義也○張氏曰三仁之志各有所在微子自謀存宗祀以獻于先王比干自謀死諫以獻于先王箕子自謀佯狂俟紂悔過以獻于先王後世以死生為重古人以義理為重後世志慮淺狹故見死為高節古人智慮廣大故以死為常事或去或死或生初無高下義之所在三人各安之矣○李太白比干廟碑曰昔殷王毒痛公獨死之非捐生之難處死之難故不可死而死是輕其生非孝也可死而不死是重其死非忠也周武以三分之業有諸侯之師資其十亂之謀總其一心之衆當公之存也乃戢彼西土及公之喪也乃觀于孟津公存而殷存公喪而殷喪興亡兩繫豈不重歟孔子稱殷有三仁豈無微旨敢頌之曰存其身存其宗亦仁矣存其名存其祀亦仁矣亡其身圖其國亦

仁矣若進死者退生者狂狷之士將奔走之衆生者敗  
死者宴安之人將寘力焉故同歸諸仁各順其志○柳  
子厚箕子碑曰當其周時未至殷祀未殄比干已死微  
子已去向使紂惡未稔而自斃武庚念亂以圖存國無  
其人誰與興理是固人事之或然者也然則先生隱忍  
而為此其有志於斯乎○五峰胡氏曰堯舜與賢三王  
與嫡所以一民心重天下也然大君人命所繫興亡之  
本聖人有權焉未嘗執一也是以武王雖弟上承文王  
之命而終不釋為君帝乙亦賢君也泥於立嫡而不知  
紂之足以亡天下也亦不知變之過矣使帝乙而知是  
道商之卜世猶未可知也○武夷熊氏曰天下治亂繫  
風俗風俗之美惡繫人心三代固皆有道之長也而商  
一代之風俗為最美每讀商書至終篇紂之亡三仁寧  
死寧遯寧佯狂為奴所以自靖自獻者不敢有一毫負  
先王之心伯夷扣馬一諫凜凜乎萬世君臣之大義雖  
聖人復起不可易也微子歸周以全宗祀自是商亡以

後事比干之死固已安之箕子之伴狂意柳宗元之論亦深有以察乎其心後來武王下車訪道授聖大法而終不為之臣朝鮮長往用廣宗祀此其志何如哉不但也是也當時為商之臣若民者大率有不肯臣周之心大誥諸篇班班可睹陳同父所謂歷三紀而後世變風移蓋當康王之世歸周且四十年壯者已老老者已死其通播遺黎真是至死不戴要亦可見商家一代之人心風俗矣夏末之前聞也周平王以後奄奄如一疋羸病瘠之人略無能出一己強劑以起其生者則所謂養成一代之人心風俗有王者作誠不可以已也

書傳輯錄纂注卷三下

謹案第二頁後三行率額衆感出矢言刊本感訛  
感今改


第二十六頁前六行乃小乙使之勛勞刊本之訛  
知今改

第三十八頁前八行今爾無指告予顛隳刊本予  
訛于今改

第四十一頁前六行箕子曰吾三人者刊本箕訛  
微今改

第四十三頁後六行資其十亂之謀刊本資訛實

據唐文粹改



總校官庶吉士臣張能照

校對官檢討臣盧應

騰錄監生臣呂永安